


PN
6267
C5I18
1748
v. 12



六十歲 曲禮六十曰耆指使 王制六十宿肉 又六十杖于鄉

六十不親學 莊子曰下壽六十 六十養于國鄉飲之禮六十

者先王明有尊也三豆所以養老也 鄉飲酒鄉之老人年六

十以上有德望者一人為賓一人為介又其次為三賓又其次為

衆賓也 男子六十閉房戶所以輔衰重養生也 白虎通

管子曰吾畏事不敢事吾畏言不敢言故行年六十如老乞兒 編年考

晉文公出亡六十歲而返國 編年考

孔子六十歲在陳夏桓釐廟災南宮敬叔救火孔子在陳聞之曰災必于

桓釐乎已而果然 史記

遽伯玉行年六十而六十化 莊子

公孫免餘曰惟卿脩百邑臣六十年下有上祿亂也食其半 編年考

衛端木叔子貢世子也藉先資累千金年六十棄家散庫一年而盡不為

子孫留財及病無藥石之儲死無瘞埋之所受施者感慟相與友子孫

之財 列子

公孫弘漢武帝舉賢良文學士時弘已六十徵爲博士後爲丞相封平津侯史記

張道陵留侯八世孫煉丹雲錦溪三年青龍白虎旋繞于上丹成餌之時

年六十容貌益少

萬姓統譜

馬援卒後有上書譖援前所載皆明珠文犀馬武與於陵侯昱皆以章言狀帝益怒同郡朱勃上書曰臣年已六十常伏田里竊感爰布哭彭越之義冒陳悲憤戰慄闕庭云云後漢書

戴馮習京氏易年六十郡舉明經拜郎中正旦朝賀百僚畢集帝令能說經者相難詰有不通輒奪其席以益通者馮遂坐五十餘席京師詔曰經解不窮戴侍中東漢儒林傳

桓榮六十歲元帝卽位召榮拜爲議郎授太子經

編年考

荀汪字孟慈昆陽令年六十

陶淵明集

疏廣字仲翁宣帝本始間魏相爲御史大夫薦廣于霍光時年六十陶集鄭玄字康成靈帝末黨禁解大將軍何進聞而辟之州縣以進權威不敢

違意遂迫為玄不得已而詣之進為設几杖禮待甚優玄不受朝服而以幅巾見一宿逃去時年六十弟子河內趙商等自遠方至者數千後

袁詭表為侍中以父喪不行

後漢書

李膺字元禮襄城人為議鈞黨或謂膺曰黨事起可去矣對曰事不辭難罪不逃刑臣之節也吾年已六十去將安之乃詣詔獄門生故吏悉禁錮膺性簡亢寡交後進有升其堂者曰登龍門荀爽嘗謁膺因為之御既還喜曰今日得御李君矣

後漢書

漢昭烈六十歲登皇帝位建都西蜀在位三年臨終敕太子曰勿以惡小而為之勿以善小而不為惟賢惟德可以服人

編年考

曹植上魏文帝書植受茲青社為魏藩輔而所得兵百五十人皆年在耳順或不踰矩親騎及親事凡二百餘人正復不老皆使年壯脩有不虞簡枚乘城顧不足以自救况皆復耄耄羅曳乎而名為魏東藩使屏翰王室臣竊自羞矣

漢文歸

虞翻上書曰臣年耳順思咎憂憤形容枯槁髮白齒落

三國志

先陷陣辟易萬人爵關內侯以壽終世傳長沙衛治忠故宅也其盔甲

器械俱貯北門城明時巡按遣推官查驗登報焉後煨于兵長沙府志

宗預字德豔使吳權甚愛待之見敬亞于鄧芝延熙中爲屯騎校尉時車

騎將軍鄧芝來朝謂預曰禮六十不服戎而卿甫受兵何也預答曰卿

七十不還兵我六十何爲不受耶三國志

樊子昭拔自賈豎年至耳順退能守靜進能不苟蔣濟萬機論

牟祐游汶水濱父老謂曰孺子有好相年六十一當建大功言畢不知所

在晉志

何曾字穎考初司隸校尉傳玄著論稱曾及荀顗曰以文王之道事其親

者其穎昌何侯乎其荀侯乎又曰穎昌侯之事親其尽孝子之道乎存

尽其和事尽其敬以及其哀予于穎昌侯見之矣又曰見其親之黨如

見其親六十而孺慕予于穎昌侯見之矣晉傳

王祥以母陵遲不仕年向六十刺史呂虔檄爲別駕時人歌曰海沂之康

實賴王祥邦國不空別駕之功累遷太保虞預晉書

司馬防字建公性質直公方雖閒居宴處威儀不忒雅好漢書諷誦者數十萬言少仕州郡歷官洛陽令以年及六十轉拜騎都尉養志里巷闔門自守年七十一卒有子八人朗最長次郎宣王三國志

張茂字彥林魏明帝起太極諸殿游宴取女子知書者六人爲女尚書使典省外奏事處當書可自貴人以下至尚保及給掖庭習伎歌者各有千數神龍吐水軍轉百戲茂上書直諫謂臣年六十嘗恐至死無以報國是以冒死上聞上顧左右曰張茂特鄉里故也三國志

桓溫年六十時廢帝爲東海王符堅曰溫前敗霸上後敗枋頭不能思愆自貶乃更廢君六十之叟舉動如此將何以容于四海乎晉志

謝安六十歲爲相時秦人屢入寇邊兵失利衆人危懼安每鎮之以和靜其爲政務舉大綱不爲小察時人比安于王導而謂其文雅過之編年

賈堅六十歲猶能彎弓三石餘烈祖慕容以堅善射親視之乃取一牛置

百步外召堅曰能中之乎堅曰少壯之時能令不中今已年老正可中

之恪太笑射發一矢拂脊再矢摩腹皆附膚落毛上下如一恪曰復能

中乎曰所貴者以不中為奇中之何難一發中之服其神妙編年考

抱樸子幼學道年至六十歷覽萬書知齊十哲慧過顏閔莫能自悟遇鄭

思遠真人授之口訣莫敢下手修煉大丹薛道光悟真篇注

王延字延年六十始仕于劉聰稍遷尚書左丞斬準既誅劉氏以延為

光祿大夫延大罵不受準遂殺之晉書孝友傳

謝密字弘微以犯所繼內諱以字行叔父混少所交納特所敬貴號曰微

子常評論諸謝至于微子吾無間然又言微子異不傷物同不害正若

年六十必至公輔南史

陸玩字士瑤以功封興平伯轉尚書令自陳曰臣實凡短預聞朝政端右

機要事務殷多臣已盈六十之年智力有限疾患深重體氣日弊若偃

息苟免職事並廢則莫大之悔乞陛下披豁聖懷沛然垂允詔不許韻

江績字仲元有志氣荊州刺史殷仲堪舉兵應王恭仲堪邀績與殷顗同

行不從顓慮績及禍乃于座和解之績曰大丈夫何以死相脇江仲元
行年六十但未知獲死期耳一座皆爲之懼仲堪憚其堅正以楊佺期
代之朝聞徵爲御史中丞

晉書

宋世吏部都令史容執選事陸東海聽在選任已獨行未嘗與語帝遣人
語陸曰都令諳習舊貫可共叅懷陸曰六十之年不復能容都令史爲
吏部郎也上若謂身不堪便當拂衣而退

世說

沈昭畧與許準勸徐孝嗣行廢立事徐遲疑召百僚集議沈文季自以老
疾不與朝權昭畧曰叔父行年六十爲僕射欲求免得乎文季笑而不
應寶卷知之召孝嗣文季昭畧入華林省使茹法珍賜以藥酒昭畧怒
罵孝嗣曰廢昏立明古今令典宰相無才致有今日以旣授其面曰使
汝作破面鬼孝嗣曰見卿使人思夏竦太初昭畧曰想太初便是方寸
不能都豁下官見龍逢比干忻然相對若問今日之事作何辭答之耶
臨死言笑自若

萬姓統譜

沈浚字叔原武康人官御史侯景逼臺城簡文遣浚詣景曰橫亦瞋目叱

之浚正色曰吾年已六十且天子使也何用見脇逕去不顧梁紀

江革爲魏人所執魏安豐王延明厚相接待革稱脚疾不拜延明又令作丈八寺碑祭彭祖文革辭延明將加筆襍革厲色曰江革年六十不能殺身報主今日得死爲幸誓不爲人執筆及還朝上大宴問之曰今日始見蘇武之節梁書

任昉答劉建安餉杖詩勞君尚齒意矜此杖鄉辰任彥升集

徐陵與顧記室書行年六十無復儕儔非意餘生復此誣謗堯有驚于謔

說孔將惑于拾塵蓋謂陳暄謗其舉徐樞也

華寶總角時父戍長安謂曰俟我還爲汝冠昏及長安陷寶年至六十不

冠婚人問之輒號痛不忍答編年考

陳暄與姪秀書曰昔吳國張長國字季舒亦稱耽嗜吾見張公年已六十

自言飲滿大勝少年隋紀

江總明慶寺詩十五詩書曰六十軒冕年駢字類編

陳嶠字景山年六十及第有儒家以女妻之合卺之夕作詩曰彭祖昔言

年八百陳郎猶是小孩兒聞者絕倒

文苑

包佶字幼正諫議大夫題諸判官廳壁六十老翁無所取二三君子不相

遺願留今日交歡意直到隳官謝病時

全唐詩

元微之三兄以白角巾見遺髮不勝冠詩病瘴年深渾脫盡那能勝置角

頭巾暗梳蓬髮羞臨鏡私戴蓮花耻見人白髮過于冠色白銀釘少校

領中銀我年四十猶如此何況吾兄六十身

長慶集

白樂天詩六十河南尹前途足可知幸遇芳菲日猶當強健時又我今

悟已晚六十方退閒又除夜病眼少眠非守歲老心多感又臨春火

銷燈盡天明後便是平頭六十人又不准擬身年六十上山乃未要

人扶不准擬身年六十遊春猶自有心情

長慶集

白居易祭元微之文嗚呼微之六十衰翁灰心血淚引酒再奠撫棺一呼

公雖不歸我應繼往安有形去而影在皮亡而毛存者乎嗚呼微之言

盡于此

長慶集

元德秀死族弟結哭之慟曰吾大人生六十年未嘗識女色未嘗有十畝

之宅十尺之地十歲之童未嘗足布帛而衣具五味而食豈哀之以戒
荒淫貪佞綺紈梁肉之徒也

宋祁唐書

杜牧送杜十三烟鴻上漢聲七遠逸驥尋雲步七高應笑內兄年六十郡

城閒坐養霜毛

萬首唐人絕句

劉禹錫和樂天耳順吟七君新什慰蹉跎屈指同登耳順科鄧禹功成三
紀事孔融書就八年多已經將相誰能爾拋却丞郎爭奈何獨恨長洲
數千里且隨魚鳥泛煙波

全唐詩

令狐楚夏日至衡陽郡齋書懷詩齒髮將六十鄉閭閱三千

駢字類編

韓愈與張籍書曰古人得其時行其道則無所爲書爲書者皆所爲不行
乎今而行乎後世者也今吾之得吾志失吾志未可知則後五十六
爲之未失也天不欲使茲人有知乎則吾之命不可期如使茲人有知
乎非我其誰哉

宋祁唐書

孟郊六十終協律郎

白居易唐人詩集序

孟郊寄陝府鄧給事詩願人年六十每月請三千不敢等閑用願爲長壽

錢非關亦繫耳將以救羸然全唐詩

喻是酬張侍御六十上青冥曉絨東越藤山光紫衣陟寺影白雲凝詮唐

李班六十歲有人教其胎息遂不食後年百餘歲

編年考

程行湛六十歲為陳留縣尉僚佐以其年高位卑狎侮之有一老人曰諸

君官壽皆不如程公從今以後有三十年政官後為御史大夫

編年考

吳生者善圖鬼之術粉壁墨筆風馳電走或見其足或見其手既會其身

累應其口若合自然以見造化負以國名行年六十天下之圖工迹其

妙而不能盡玄真子聞而起造焉曰敢問圖鬼之方有術何其道之不

竭也

玄真子

陳光問茶陵人治生方雅不雜交游讀書靈岩授徒六十不第一日五鶴

鳴舞于庭其友沈賓賀曰此登雲兆也勉其再試果登天復元年第同

舉者曹松柯凝劉象鄭希顏年俱六十號五老榜

長沙府志

曾乾度字順承淳化進士三為縣五典州年甫六十懇請分司南京再求

監舒州靈仙觀時張士遜為上言其風力方適使卧理一郡亦足以厚

風俗廼起知筠州不赴遂以太常少卿致仕率諸生興學校幅巾徜徉
縉紳榮之萬姓統譜

九祖伏馱密多有長者携一子來曰此子處胎六十歲因號難生諱苑

种放字明逸不娶無子年六十時一日晚起服道衣聚諸生列飲取生平

所作文稿焚之酒數行而逝不知所之真宗聞之贈工部尚書麟

宋祁筆記云余于為文似蘧瑗七年五十知四十九年非余年六十始知

五十九年非其庶幾至于道乎天稟余才總及中人中人之流未能名

一世然自力于當時則綽也矣說郭

先文正正旦雖年六十而久病氣索人或勸其引疾文正曰余豈不知此

者顧諸公未有以相代者恐貽上憂也寧受貪冒之名以報上恩耳文

正薨丁焉之徒既相朝廷紛也識者嘆其先識聞見近錄

堯夫先生年六十始為隱者之服曰病且老矣不能復從事矣隆寒盛暑

閉門不出曰非退老之宜也鄒饒夫先生又六十作首尾吟百三十餘

篇只是一个四時行焉百物生焉之意性理大全

范純仁寄趙大觀度支詩上天生賢傑有意康斯民六十不大用徒勞何足云堂上趙夫子德與往哲隣嘗冠獬豸冠血面嬰龍鱗身輕秋葉危大典虞湮淪

范忠宣集

柳拱辰天聖中試珠藏淵賦王拱辰榜登第至和中知永州年六十卽有

掛冠之志創一橋曰歸老南豐作記

萬姓統譜

司馬光年六十卽乞謝事

宋史

光與吳丞相克書光自居洛以來仕宦

之心久已杜絕在少壯之時猶不如人况年垂六十鬚髮皓然視昏聽

重齒落八九精神衰耗豈復容有干進之心但以從游之久今日特蒙

齒記感荷知己之恩終身豈敢忘哉

又六十寄范景仁詩從來好與

天爭力竭力方知己力微見事晚如蘧伯玉今知五十九年非

溫公集

梅聖俞紫薇詩禁中五日紫薇木閣後近聞新着花薄已嫩膚搔烏爪離

離碎葉剪城霞鳳凰浴出池波靜鵲鵲陰來日影斜六十無名空執筆

顛毛應笑映簪花

羣芳譜

梅聖俞依韵和永叔詩玉轡瓏瓏出絳宮青槐馳道曉煙中塵頭尚裊洗

車雨馬耳前趨吹鬣風聞說自將身許國不須仍以醉爲公我今才薄
却無用六十棲七未嘆窮宛陵集

歐陽修治平丙午年六十三月三日上賜上巳宴時頒明天曆年譜

鄭章六十歲登第歐陽永叔贈之詩云少年鄉譽歎才淹六十猶隨貢士

函握手親朋驚白髮還家閭里看青衫閣涵空翠連衡阜門枕寒江落

楚帆試問塵埃動斗祿何如琴酒老雲岩編年考

蘇子瞻詩先生年來六十化道藏已入不二門紛七華髮不足道當返六

十過去魏東坡集

東坡年六十在惠州有惠州上元夜詩去年中山府老病亦宵興今年江

海上雲房寄山僧之句年譜

東坡送任伋通判黃州兼寄其兄孜詩云吾州之豪任公子年少盛壯日

千里無媒自進誰識之有才不用今老矣平泉老吏更何悲六十青衫

貧欲死桐鄉遺老只今泣潁川大姓誰能筆因君寄聲問消息莫對黃

鸚矜爪嘴東坡集

東坡乞賻劉季孫狀季孫仕至副使年至六十篤志好學博通史傳卒于官所家無擔石妻子寒飢行路傷嗟

東坡集

東坡別子由詩知君念我欲別難我今此地非他日風裡楊花雖未定雨

中荷葉終不濕三年磨我費百書一見何止得雙壁願君亦莫嘆流滯

六十小劫風雨疾

東坡集

蘇子由使遼歸為哲宗言遼主弘基以與我和好為喜年貌可六十步履

輕健飲啗不衰享國尚富有年我可以無虞君臣事佛國俗化之彼之

巨蠹足為可喜也

劉氏雜志

魏嚴唐魏鄭公裔孫也曾拜國子助教熙寧末予過其門見嚴年可六十

語言成理出鄭公畫像乃近年筆多為俗人書題唐之譜牒詔詔無一

存者

張舜臣畫樓錄

黃魯直年六十謫宜州

類敘

又山谷贈高子美詩拾遺句中有眼彭澤

意在無絃顧我今六十老付公以二百年

本集

山谷跋舊書詩卷云建中靖國元年十二月甲午觀此詩卷筆意凝鈍用

筆多不到亦自喜中年來書字稍進爾星家言六十而不死當壽八十餘審如此真當以善書名四海

本集

黃山谷贈黃成之曰予之竄嶺南道出衡陽見王簿君益陽黃成之問宗派乃同四世祖兄于是出嫂氏子婦相見喟然念高祖父之兄弟未遠也而殊鄉異井六十歲而始相識亦可悲也

山谷集

王十朋乾道七年辛卯年六十歲除詹事力疾造朝上特御選德殿以公足弱詔給扶杖拜且賜坐公猶極論時事就賜金帶公三章乞致仕詔以龍圖閣學士致仕七月丙子有大星隕于故居公薨

王忠文公年譜

陸放翁六十歸為郎數月草草奏夫豈或使之擊去惟恐後還山惟自訟衡茅屏幽陋寒龜久欲息野鶴老益瘦

劍南詩

陳過庭字實王山陰人舉進士拜御史中丞言忤權貴方臘反公言致寇者蔡京養寇者王黼黻二人則寇自平又論米勑父子本刑餘之人交結權貴竊取名器宜正典刑使金死于燕山年六十

名臣言行錄

蜀名士孫松壽樊廣漢六十掛冠詔命不赴節行可嘉

范成大上高宗疏

從文政知事必不集陰求貌類已一人曰劉四以前油極爲業使執役左右辛幼安爲汪西憲親提死士與之角文政謂其徒曰辛提刑瞻視非常必將殺我欲遁去其徒不可則曰寧斷吾首以降死先後不過數日耳其徒又不忍乃斬劉四之首便僞爲己首以出文政竟遁去軍官迄不知其僞爲也

錫林王路

葛洪字容甫少從呂祖謙學得義命一語終身服膺以不登權門遭迴下僚年垂六十始除藉田令後累至端明殿學士人多稱之

通志

時小章字天養號所性天才絕出博極羣書談經多出新意史學尤精年

六十始登寶祐進士

通志

謝翱字學羽爲小元祐歌寄劉君昂前甲子小元祐句章侵黑權臣死端平天子初改紀龔芳泰陵種蘭正是年南海無波浪月濕珠胎君以降只今六十空白頭獨騎麒麟補春秋天回星周美惡復人世更傳蔡州

錄
聯髮集

郭義重字處仁至孝廬墓手蒔松竹甘露降詔旌其門特奏補官六十始

婚以高年終錢唐縣志

王晦字子明守順州通判圍急晦攻牛欄山以解之賜資甚厚加翰林學士并勸農使九月順州受兵故部王臻免胄出見且拜曰事急矣苟能相從不失富貴晦曰朝廷何負于汝臻曰臻雖負國不忍負公因泣下晦叱曰吾年六十致位三品死則吾分詎從汝耶臻掩泣而去險駛忠

燕公楠答程雪樓見壽詞浮生平頭六十登樓悵望荆楚出山小草成何

事閒却竹煙松雨西江志

方回我生逼六十偶幸全頭顧懷舊愛恍惚吊往腸鬱紆六十年間事歷歷尚可模我所見之人百萬泉下俱神仙謂不仙終久歸于無寄語肉食子無以智誚愚桐江集

袁桷憶昔詩厠身金鑾中踴勉二十春懼貽先師羞執筆常逡巡即今已六十誓墓廬松筠厚德靡有報淚與寒泉淪清容居士集

郭回素貧年六十無妻奉母寄栢神祠中營養甚艱母卒回傭身得錢之元史列傳

政和壬辰龜山先生年六十歲赴蕭山任羅豫章先生自延平來學年譜

李兌字子西進士積官至工部尚書致仕年七十六第先進士積官秘書

郎致仕年八十三兌尚無恙事之彌篤子庭玉年六十即棄官歸養人

賢其家法弘簡錄

汪藻字彥章父穀曾任晉江令于時藻始生後為郡守藻謝表曰訪六十

年之父老恍若前生佩二千石之印符敢期今日編年考

李侗答朱韋齋書六二房下近得一孫子似易養老境未有兒孫亦差慰

六十李延平集

朱子年六十序大學中庸章句宋史

雪崖年六十方坐閣脩禪定孫光中愿而朗語默宜人殿旁有小閣七前

有竹七中俱琪石光中疏剔竹根得小湫泓然澄冽獨喜以為不煩鑿

鑿而得甘泉不可無記余又適相值亦一數也因在竹石間號曰琳瑯

泉而系之以銘吳之鯨演福庵琳瑯泉銘

劉克莊飲方校書園早退分明勝一籌行年六十復何求東門瓜與南山

豆誰道君王薄故侯
後村詩集

龔明之字熙仲紹興二十年鄉貢明之已六十或勸少匿其數爲異日計
笑曰吾生平未嘗妄語且不敢自欺卒書其實晚以特恩廷試授高州
文學年逾八十法不應出官吳士在朝者列其行義勅監南嶽廟淳熙
五年致仕

蘇州府志

方岳字巨山春日雜興天與之愚竟不移經年兀兀槿花籬拙于生事可
無粥工乃窮人賴有詩只恁麼休身是客知何以故鬢成絲寒欺雪屋
青燈夜六十猶癡始是癡

巨山集

何子平母喪哀毀踰禮每至哭踊頓絕方蘇冬不衣絮暑被清涼日以數
合米爲粥不進鹽菜及至免喪支體殆不相屬幼持操檢敦厲各行雖
處閭室如接大賓學義堅明處之以默好退之士彌以貴之年六十

孝友傳

淳熙間茶商相挺爲盜推江南茶駟賴文政爲首文政多智年已六十不
從曰天子無失德天下無他釁將欲何爲郡克不聽以办脇之敏勉而

成廷珪字原常聞河決盜起作夜聞羽書起丁力老穉嗷也向誰泣我當

六十將奈何扶杖淮南望淮北

居竹軒集

耶律楚材以金明昌元年六月二十日生父文獻公通數學謂所親曰吾

年六十而得此子他日必成偉器且當為異國用因取左氏楚材晉用

為名字

宋子貞神道碑

石天應字瑞之臨机應變提出如神旗旌用黑色人目之曰黑軍前後二

百餘戰皆身先士卒累功副元帥論國家之急本在河南閔內既定長

河以南在吾目中矣吾年垂六十老耄將至一旦卧病床第間聞後生

輩立功名死且不瞑目

元史

延祐己未先人即世浮山君年已六十視集少十有三年待之若稚弟焉

虞集送黃敬則序

孔穴字天壁一字秀夫少好學隨妻父許澹齋至豫章能明來薦之授龍

溪書院長後陞江州教授所至有聲除湖口簿均賦役抑豪強邑稱神

明年六十稱疾還家以詩文自娛壽八十餘

萬姓統譜

王幼學字行卿生于宋季兵掠至河南陳氏得之養以爲子乃命之學其家蓄書萬卷幼學不憚寒暑手不釋卷由是學識大進至元間年六十始歸養望江舊業躬耕慈湖與同志講道不輟至正間年九十三終人稱慈湖先生

廬州府志

梁夢奇德慶人世有義方累舉調梁州法曹廉謹自守年六十致仕郡太守下車必先訪其廬其推重如此

萬姓統譜

上官通字一明手儀蒼古善楷書嘗爲吏一旦棄家室結廬于深山龍井坑甘淡薄不苟葷冬不煖夏不扇夜不寢有疾者請符服輒愈由是人皆敬之邑旱澇請禱卽雨年六旬頗飲酒嘗作口號云老骨崢嶸畏皺皮精神不似少年時一周甲子從新數急速回頭亦

二十七絕粒而終

萬姓統譜

役者余成忠信不貳鄙事八年未嘗見其過蓋自少時年二十今役年六十矣猶一日也雖古之學問士大夫木強而後于德如第五公胡威未能過此也吾貧不能脫其役與之同歸江湖之上贈詩曰丹籍生涯無

別鼎白頭忠信可專城自非車騎將軍勢愧使王尼常作兵

事文類聚

近日一番僧自西城來貌若四十餘通中國語自言六十矣所坐一龕僅容其身如欲入定則命人鎖其龕門加紙密糊封出或經月餘人潛聽之但聞誦念珠歷歷一切布施皆不受曰吾無用也余親見雨花臺南回寺中此與希夷何異至見異人何世無之

姚福青溪暇筆

國初有尤六十者父以六十歲生之因名六十絕有力途人或不識與競六十不怒更好謂哥且來遂牽其襟衫至廊簷以手扳其廊柱引裾壓其下人懇告之乃復舉柱出其衣其他如此甚多當時稱勇者無不畏服

編年考

劉崧字子高太和人洪武三年以才學舉職方郎中陞北平按察副使上任不以妻子相隨携一童往至則遣還每夜孤燈一榻讀書不輟五更衣冠起坐待旦招來遁逃慰安反側惟務寬厚存大體尋歸六十歲上手勅召為禮部未幾署吏部尚書請老與勅致仕

編年考

左都御史王景暘乃能以六十之年即自引去無分毫顧惜其賢加于人

一等矣 薛敬軒集

商詩卷之六

李弘茂永樂進士授刑部主事志尚澹薄不慕榮進時論稱其有爲有守
冰蘖之操始終如一大臣爭論薦之年六十卽乞致仕土木之變李文
達嘗歎曰李先生抗章引疾去今先生言果驗 浙江通志

陳獻章答張廷獻詩白沙先生六十年脚頭到處見青天幾場世事攢眉
應千丈雲根枕頂眠今夕高談真不偶後來勝會恐無緣白頭不起江
門浪相住吟風弄月船 又寄素兼先生草閣春風忽兩人坐臨江水
看江雲尋常肺腑詩中寫六十頭顱鏡裡分落絮風驚還着樹行人日
出便離羣孤舟遠下南京道望斷梅開不見君 又答林蒙庵六十懇
辭兵部祿尋常亦欠酒家錢武夷九曲君應到爭向區區問學仙 又
與世卿午枕清風汗不生鼻雷相到日西傾東西山色移床看六十年
光轉瞬更廬阜白雲真太華玉臺高閣小朱明丹青若更閒分別老子
江門是一真 又次顧通判夜泊江門病裡春秋六十更酒杯無日不
淵明還將白髮供人事自許春山不世情版籍又勞今別駕風花帶雪

老先生紅渠浪裡江門路肯放孤舟半夜行 又贈左明府考績之京
六十花封一高要高要得公當不小阿衡事業世豈知天下經綸此中
了君今考績付天官我只弄我江門鈞白沙子集

吳與弼已故司業吳溥之子賦性端凝居家孝弟守道安貧動循矩度約

年六十心忘仕進躬耕隴畝以教其鄉

陳述薦吳與弼疏

鮑輔氏曰歛有淳行人汪時高者子輔外舅也而今六十矣輔聞之六十
始壽夫壽未有不以文而彰也

崆峒集

歸壽者李子為東墅子作者也東墅子年六十其子經自太梁馳歸壽焉

於是作歸壽詩

崆峒集

汪子歛人也而商于汴嘉靖元年生年六十矣九月九日其生辰也于是
其邑人同商者鮑氏鄭氏繪圖壽焉

崆峒集

陳公者鄆人也年六十矣神意和朗步履髮髯李子聞之曰異哉陳子斯

為其壽歟

崆峒集

周忱字伯如歷事五朝夙夜匪懈懿德善行與人頌之初公年六十即傍

所居之雙崖營草堂若干楹各以其勝名之至是而歸老焉娛意山水之間足跡未嘗至城府賓客過從輒傾創相歡卒年七十三上悼歎命禮部致祭賜諡文襄王直周文襄公祠記

劉野亭進閣大拜繼一月以逆瑾方熾即以病老乞休上以春宮講讀恩

溫旨勉留甫一年而瑾敗野亭六十歲求去益力遂得請歸家居日優

游于林泉花木間嘗自作墓銘

編年考

侯堯封字欽之隆慶進士兵脩襄陽初至禱雨奇驗人謂之侯公雨遷福建叅政致仕歸堯封年六十始通籍田御史歷藩臬所至有聲後游林下以壽終焉

蘇州府志

曾狀元彥字士美泰和人老于舉場成化戊戌年且六十乃魁天下是科殿試館閣諸公閱卷竟日未得超拔之作最後眉州萬公安得曾公卷亟賞歎以示衆也傳觀皆欽服謂文宜第一特未見其貌故事將賜第前一日集衆舉士于禮部閣老堂中呼名閱其儀觀及是呼至曾公文康屬目覺其秀偉尤異于衆喜謂諸公曰得人矣魁選遂定迨臚傳出

則貌寢多髯與前不類文康爲之愕然退取其策讀之亦平也無奇語以示諸公皆大驚歎以爲有神助云

編年考

李東陽壽董圭峯六十詩六袞纔臨未二毛置身元合在仙曹登科記有曾刊策直講恩多舊賜袍陌上兒童知姓氏館中碩德舊耆耄東夷不用詢安否親見先生壽骨高

旣贈

西涯贈傅體齋先生六十詩一紀壽高先過我六曹名重幾如公賓筵酒

熟春初半使節山回日正中又李白州六十詩臣情元不因詩魔白

戰猶聞夜枕戈南去扶搖無限路北來安樂有行高孤松歲晚心能壯

叢桂秋深影漸多自愛黑頭雙鬢在每呵青鏡手親磨

懷麓堂集

周佩號北野華亭人登弘治進士歷官刑部郎中六十歲以逆瑾擅政乞

致仕歸鄉里竭力以恤族人居室之內一榻蕭然謝交遊好學雖老勿

倦晚益喜讀易詩文典雅翰墨皆有法家居廉貧高尚生平極孝以致

甘露瑞芝之祥年八十五終

編年考

南京工部侍郎蕭公元襄致仕家居明年與其配李夫人俱六十生辰在

春陽之月相距十餘日家子刑部主事與求諸公作詩寓歸至期將大

會賓客歌以為壽以予相知也屬為之序

徐溥蕭侍郎壽詩序

羅舜臣官國子助教子欽順進士及第為編修同在朝籍居京第其次子

欽德欽忠又同舉于鄉君曰可以休矣即上疏致仕致仕例以七十為

限君之年僅六十耳

西涯集

羅洪先壽郡守曾龍井六十罷郡還家公幾年庭前種桂尽堪攀縱談愛

客時尋社投宿逢僧且聽禪曰鷺寒洲過月棹玄潭商閣坐江烟知君

未厭風雲樂擊節長歌擊壤篇

念庵先生集

西涯壽潘南屏先生六十集句人壽百年今六十朝七染翰侍君王長嗟

博士官猶屈獨有楊雄賦最長

西涯集

吳應賓字客卿壽開府體中姪六十碧油幢下紫烟笏拂袖仍呼老仲容

批虎散來還載鶴鯢靜後更降龍

龍眠風雅

祝顥字惟清累官至山西布政司右叅政年甫六十致仕允明祖也

列傳

廣隆贈陳將軍詩東南走遍扶桑國刀環黑帶風塵色幾回虜盡一身存

六十年來雙鬢白功蓋華夷壓陣雲可堪爵賞不酬勲 又壽家長兄
六十詩生涯問漁釣歲月在某評六十貪猶昔無慚廉吏名 由拳集
孫鼎字宜鉉廬陵人永樂間以鄉舉歷授博士甚得士心彬也多興起尋
遷御史督南畿學政庚午秋試時上北狩公小試罷調諸生曰諸君從
有司試當簪花燕饌今日臣子枕戈之秋老夫不敢陷諸君子不義乃
與飲茶令從中道行自步送出門當道遇金尚書廉慷慨對泣有萬里
丹忠扶日月兩人清泪對山河之句其忠憤如此公告省親上勅封其
父母父聞恩命至擁騎郊迎公途行望御甚虔觀者榮之公六十以親
老致仕歸鄉人子弟考德問業者無虛日張瑄疏公孝追曾閔學踵朱
程宜起居論思之職公辭不起 編年考

東阿于公之大宗伯歸也十有四年矣于公在魯如宋司馬在洛兒童走
卒皆知之朝士共指宜爲時名相歸田之久人皇也恐其將老也今年
始聞稱六十又王健如壯艾人衆輒嘆異且酌酒賀于公未老宜及此
時相公矣 睡庵文集

劉黃裳字玄子嘉靖乙卯魁兩河萬歷丙戌始得第春宮凡十上年六十矣

列朝小傳

岳文沈公今年六十強健如四十許非偶然者

睡庵文集

嚴調御與楊兆開聞子將交密兆開死子幼調御以子妻之子將疾革調

御方六十初度曰聞氏方受吊而嚴氏受賀泰越之矣之其家號痛爲

調理喪事

通志

盧一鳴字聲寰寧鄉人敦誼嗜學年六十尚試有司高等蓋髦而勤于德

者歟

長沙府志

伍訓字子承其先七世共饌邑稱義門至訓益敦禮義知縣汪明蒞任優

以賓禮事必咨而後行年六十汪公遺吳錦壽軸贈之兵備道劉可親

造勞以年酒仍表其門

湖口縣志

錢秉鐫字湘之老景詩幡然六十叟散髮咏江天食少思常食眠多不苦

眠心慈翻受累口直易招愆去死知無幾紛々底事年又六十初度

詩婚嫁初完耶稱意糟糠尚健喜齊眉披裘五月當風快絕粒三春

戶眠到老木強終不改趨時匏落止徒然髮成霜色終難變眼底金錢
久已捐龍眠風雅

蔡如澤字百泉崇禎間年六十依次當貢輒先請老性拙訥以帖括授徒
多至侍從者除帖舉世情人事漫置不省識者緣此益重之安慶府志

郁調元字淵真性孝隆家失火從烈燭負母陸夫人踰牆涉河兩踝皆裂
親歿廬墓晝思夜夢時嚮必哭終其身如一日也以貢承儀封遼陽
參軍儀人泣送數十里年六十致仕歸病將卒屬其子于舊隴傍作抱
母墳以葬太傅金之後為銘興府志

王度贈愚溪泰翁亭台城郭山林隱君泰公生長子于世六十年門乏租
催之吏田無負逋之夫居則鼓琴以自娛出則命觴而獨之詔也然不
知身世之少也壯也老也臨海縣志

竇昌言別墅名萬玉千秋軒張可觀為之圖劉鉉詩云六十年來駒過隙
俯仰之間已陳迹畫圖寂寞久無聞流落人間匪朝夕客從何處遠持
來佳致依然不殊昔夢聞昨夜到松陵鐘斷長橋月初白蘇州府志

龍孔錫舉進士授臨川令被召補主事居郎署甫六十拜郎中方踰月以

才望超遷廬州

涪池文集

左光斗字共之家君六十詩生我今三十知年是六旬斑斕將野服祿仕

本居貧大藥扶身健諸孫繞膝馴寄情雖一壑猶得戴皇仁

龍眠風雅

葉少蘊云某年五十後不生子六十後不蓋屋七十後不作官然晚年以

子舍之多不免犯六十之戒

清波雜志

趙宗普性至孝母八十病篤宗普年六十矣割股以救母遂愈其子天澤

亦割股以救母病孫啟新道立皆以孝友世其家乙酉城破婦葉氏阮

氏示氏相携赴水死里人咸美述焉

江都志

王士和字端育金谿人父丞年六十小端午日舉公竊喜曰田文以是日

生吾門其以是兒興乎以舉人授本府知府崇禎丙戌貝勒李師薄城

下諸軍皆亡公題詩于石正衣冠懷印北面再拜而縊

延平府志

俞文縉長壽人令江都嚴重不阿未嘗以顰笑假人而平恕無煩刑苛令

年六十拜大理卿

江都縣志

張紘字子綱孫權之世紘與張昭並與參謀常令一人居守一人從征討
卒年六十三三國志

西平公張軌薨年六十下遺令曰文武將佐當尽悉規務安百姓上思報
國下以寧家善相和遜以聽朝政元經薛氏傳

負伯字彥先邵子節操高厲言動舉止必以禮讓好學博聞朝野咨詢為
一時儒宗循疾重駕親幸執手流涕太子親臨者三焉往返皆拜儒者
以為榮卒年六十追贈司空謚曰穆晉書

王僧虔少時羣從並會客有相之曰僧虔年位最高仕當至公武帝即位
遷侍中開府儀同三司薨時六十追贈司空南史

秦豫元年上疾篤遣使送藥酒與王景文死謂曰朕不謂卿有罪然吾不
能獨死請于先之勅至之夜景文正與客奕折函看復還封置局下神
色夷然不變方與客棋思行爭劫竟飲子內奩畢徐謂客曰奉勅見賜
以死方以勅示客乃畢敬答勅并謝贈詔酌謂客曰此酒不可相勸自
仰而飲之時年六十南史

劉峻字孝標卒年六十門人謚曰玄靖先生

南史

江秉之字玄叔補新安太守轉臨海並以簡約見稱所得祿秩悉散之親故妻子常寒飢有勸其營田者秉之正色曰食祿之家豈可與農人競利在郡作書案一枚去官留以付庫卒年六十

宋書

帝念裴寂功召入廟會卒年六十贈相州刺史河東郡公

唐書

張景藏技與袁天罡埒太子詹事蔣儼有所問答曰公厄在三尺土下六年而貴六十位蒲州刺史無有祿矣儼使高麗為莫離支所囚居土室六年還及為蒲州歲如期則召掾史妻子告當死俄詔聽致仕

唐書

李泌字長源乞遊衡山給以三品祿俸遂隱衡之煙霞峯絕粒棲神二年拜中書侍郎平章事封鄴侯年六十是歲三月薨贈太傅中使林遠干藍關逆旅遇泌單騎常服言暫歸衡山話三朝之事慘然久之而別林至長安方聞其薨德宗聞之尤加愴異

衡山縣志

韋表微字子明卒年六十贈禮部尚書始被病醫藥不能具所居堂寢隘陋既歿吊客咨嗟篤故舊雖庸下與携手語笑無間然

宋和唐書

吳川先字體中除日立春居諸荏苒歷風塵六十韶華憂裡身曉漏朦朧
驚送臘穉兒踴躍喜迎春椒花入酒陽和轉梅蕊氣欄淑氣新樓望四
山皆白雪歌來郢調倍精神龍眠風雅

端世能字存良隆慶進士授庶常以老乞南曹拜南京禮部侍郎未幾居
憂年已六十矣哀毀過甚遇病怔忡服闋強起補禮部侍郎龍眠風雅

陶汝楫字子濟寧鄉人事母至孝年六十居喪哀毀明年病垂絕復甦曰
吾方被召入冥見府司章服在旁顧令上主者取曰板硃書之曰汝今
六十一汝孝當加一十三至七十四病不食發笥中物分資親黨投刺
以辭事甚贖而孝行冥報尤可傳云長沙南志

李富字尚祖將衆人三歲失怙六歲問母曰阿父安在母曰早喪卽有孀
嬖之容稍長事母不離側母六十母喪廬墓哀號釋服仍服父喪三年
督學朱衡旌曰孝子延平府志

李成德善化人由例受京幕乃謁選幡然曰胡不以遠大長子孫何拜此
一幕爲遂歸課子若孫皆知名賦性孝友豪俠喜市義年六十子孫繞

陳慶壽遠近親知稱觴畢即棄世去亦似安禪定衲知亂之將至而全
歸者乎子先登先香孫世標先後舉于鄉

長沙府志

李富平向賦

入三慈夫古

以端車基

長沙府志

六十一歲

古式

國

要

世

山

長沙府志

世

世

錢俶字文德生唐天成四年八月廿四日薨宋端拱元年八月二十四日
年六十歲龔平又宋史端拱元年徙封鄧王會朝廷遣使賜生辰器
幣與使者宴飲至暮有大流星墮正寢前光燭一庭是夕卒年六十以
是日生是日死人異之

朱長文字伯原資性淳樸雖在布衣慨然有用世之意暨出任以田疇委
諸弟惟藏書二萬卷卒年六十哲宗嘉其清節賜絹百疋學士米芾表
其墓蘇州府志

道濟住淨慈瀨湖居民食螺已斷其尾矣濟乞放水中活而無尾嘉定二
年五月十六日索筆書偈曰六十年來狼籍東壁打到西壁如今收拾
歸來依舊水連天碧擲筆而逝蓋五百應真之流云七脩類稿

李孟傳字文授光子也韓侂胄願見之孟傳謝曰行年六十去意已決不
敢聞也由是出知江州廣西通志

顧瑛一名阿瑛字德輝卒年六十自爲曠志戒其子以紵衣桐帽櫪鞋布
襪纏裹入土嘗自題其像曰儒人僧帽道人鞋天下青山骨可埋若說

向時豪俠興五陵鞍馬洛陽街所著有草堂雅集 玉山樸稿

季汶字彥文處州人太祖初渡江始以城降是時起兵之士麗水葉琛青

田劉基龍泉章溢與汶入見便殿遂以老乞歸不仕故其名不顯卒年

六十宋濂為之銘 明正統宗

顧仲禮幼孤事母至孝遇歲凶負母流移他郡七年始歸遇蝗起仲禮行

田間泣曰蝗食苗且尽吾何以為養俄有疾風吹蝗去苗不得傷母卒

時年六十廬墓三年悲痛如一日事聞上詔旌其門 列朝小傳

張棟字伯任萬歷丁丑進士授新建令進兵科給事上疏落職杜門却掃

奉母柴夫人脩極孝養母卒棟年六十哭必痛絕既葬廬墓側毀瘠骨

蘇州府志

傅秉哲孝感人事母至孝母年九十卒哲時年六十孺慕哀號廬墓終身

通志

彭時字純道正統狀元累至吏部尚書進少保卒年六十贈太師謚文憲

明史纂

六十一歲自陳如蔡

編年考

王翦同官人六十一歲將兵六十萬伐楚始皇送之灞上翦請美田宅園池或曰將軍之乞已過矣翦曰秦王狙而好猜今空秦甲上而專委我我不多請田宅為子孫計秦王坐而疑我矣擊楚大破之

編年考

應璩年六十一為侍中歛見白狗問眾人悉無見者

建安故事

源懷正始中蠕蠕入寇詔加懷使持節侍中出據北蕃懷跨馬執稍躍馬

大呼顧賓客曰氣力雖衰尚能辦此蠕蠕雖畏壯輕老我亦未便可欺

時年六十一至雲中蠕蠕亡遁

源懷傳

王述六十一歲遷尚書令述每受職不為虛讓其所辭必于所不受及為尚書令子坦之白父故事當讓述曰汝謂我不堪耶坦之曰非也但克讓美事耳述曰既為堪之何為復讓人言汝勝我定不及也

編年考

程駿拜著作郎獻文帝屢引駿與論周易之義頗見賞識顧羣臣曰朕與此人言意甚開暢又問駿年幾何對曰六十有一獻文曰昔太公既老

而遭文王今卿遇朕豈非早也駿曰臣才謝呂望而陛下尊過西伯天
假餘年願竭六韜之効

山堂肆考

司空圖字表聖甲子今重數生涯止自憐殷勤元日日欹午又明年

詮唐

黃居家字伯鸞荃少子也畫藝敏瞻不讓于父克蜀之後居家授翰林待

詔淳化四年克成都府一路送衣襖使時齒六十一于興聖寺新禪院

畫龍水一堵天台畫一堵工夫雖少大體宛存

畫錄

王曾字孝先益都人省試廷對皆第一或曰一生弊着不盡矣曾正色曰

平生志願豈在溫飽耶年六十一歷相兩朝始終一節進退士人莫有

聞者嘗曰恩欲已出怨將誰歸臨終時見一大星墜寢處

編年考

富弼年六十一而引疾

楊繪上神宗疏

范仲淹年六十一知杭州守杭日過孤山林逋贈詩云巢田不欲仕堯舜

豈遺人風俗因君厚文章到老醇

范集

先公在亳年才六十一已六上章乞致仕而上方眷留未聽及在蔡勤請

益堅遂如素志公既氣槩康強而年未及禮制一旦引退近古所未嘗

有天下士大夫仰望驚嘆歐陽公年譜又楊繪上神宗書歐陽公六十一

而致仕宋史

蘇子瞻在惠州吳遠遊陸道士客于先生歲暮以無酒為嘆先生和淵明

詩云我今六十一頽景薄西山本集

紹興二年壬子羅豫章先生年六十一歲以特科授博羅縣主簿八月上

丁率諸生行釋菜之禮年譜

李延平先生紹興癸酉先生年六十一歲朱文公來受業于門李延平年譜

范石湖丙午新年六十一歲俗謂之元命作詩云歲復當生次星臨本命

辰四人同丙午初度再庚寅長狄名猶記沙隨會若星童心仍竹馬暮

境忽蒲輪鏡裡全成老尊前畧似春三年歸汶上千日卧漳濱剛長交

新泰陰消脫舊屯蛛網繁藥畏犬寶吠醫人窓下烏皮几田間紫領巾

鯢淵方止水鯢海是揚塵波匿觀河見維摩示病身顰端還一笑默識

幻中真本集

汪應辰忤秦檜流落嶺嶠年六十一始得還編年考

徐積大河上天詩年且六十一未作溝中屍常恐公禮義如投諸污泥豈
欲爲迂濶不得已爲詩

節孝集詩

周紫芝字少隱家貧力學年六十一始以廷對第三人歷右帥員外出知

興國秩滿丐祠隱廬山終焉

興國州志

戴表元咸淳中入大學試禮部第十人宋亡爲元執政者薦之起爲信州

教授年六十一矣尋遷婺州以疾辭

宋濂剡源集序

鄭秋波六十一偶失一賀小詩索笑六十光陰一鳥過一飄還許醉秋波

只今那有茗溪叟日日尊前聞放歌

陳白沙集

吳直方字行可至元二年改廣東道廉訪使承發兼照磨年六十一矣

宋文

憲公集

是年甲辰家兄六十一未嘗有如意之求詩曰花甲之間亦易回吾家懷

抱幾時開雲師暫引秋帆去風伯還將暮雨來社酒香荷葉冷楚歌聲

起竹枝哀天公遺我多愁事貞節堂邊炒夜雷

陳白沙子集

劉汝字師魯癸酉除夕此夕何多感明朝過六旬乾坤又一統人物少咸

淳酒厭山杯綠梅傷水國春燈前一戲綵馬首一沾巾元詩選

朱善行年六十有一廼以當道之舉校藝京師銓衡者懼其年老特令歸教本府在職三年再召來京授職翰林侍講東宮位雖不過六品而出入殿廷日承顧問亦已榮矣又清溪書隱序筠陽羅氏君友與余生同年學同業居相近情相親也其往來之密莫若癸卯在京師爲甚是時余與君友年俱六十一矣而俱爲有司所迫以衰暮之年校藝京師白髮皤然若老鶴之孤鶩獨峙而與六七俊秀俯首吏部之庭以試所業豈其所樂哉亦有不得已焉者矣西江志

陳獻章六十一自序詩世間甲子是何年母髮雙皤子亦然十數孫曾羅膝下兩三杯酒笑燈前尋僧野寺花迷路吹笛江門月滿船聖主萬年歌不足黃河清了鳳翔白沙集

萬思謙字益父南昌人聞王伯安之學恍然有悟嘉靖進士累遷福建布政致仕歸年甫六十一耳著大學跡古中庸述微人物志

歸有棫字養素父一齋六十一歲乃生體最羸弱絕憐愛之口授以經輒

成誦素不禮于長兄一日兄試以四藝頂刻立就文理可觀長兄不覺

嗟嘆

蘇州府志

吳本泰字梅里老于弟子員崇禎癸酉甲戌及第時年六十一湛于經術
官方兵制國計邊防屯田河渠一切利弊無不畢究時上方銳思圖治
平臺召見稱旨遂超擢吏部郎中遷尚寶丞詩文詞賦時人目為淵海

海寧縣志

种嵩字景伯父有財三十萬父卒嵩悉以賑卹宗族及邑里之貧者舉孝
廉擢度遼將軍入為大司農年六十一薨并涼邊人咸為發哀匈奴聞
嵩卒舉國傷惜單于每入朝賀望見墳墓輒哭泣祭祀

後漢書

蔡邕坐誅時年六十一

漢書

魯峻字仲嚴博覽羣書無物不稔學為儒宗行為士表閉門靜居班書曰
娛年六十一卒門人故吏夏侯弘等私謚忠惠父

蔡邕忠惠父碑

周訪字士達家潯陽與陶侃結交前後征討多戰功智勇過人與中興名
將李矩郭默相結慨然有平河洛之志王敦雖懷逆謀然終訪之世不

能為非年六十一贈征西將軍麟賦元初訪少年遇相者廬江陳訓

指訪與陶侃曰二君皆位至方岳功名畧同但陶得上壽周黨下壽優

劣更由年耳訪小侃一歲卒年六十一謚曰壯晉書

阮裕字思曠陳留人淹貫有理識累遷侍中以疾築室會稽徵金紫光祿

大夫不就年六十一卒阮光祿傳

韓敦禮字安上屢事突厥前後建明允會事机以疾自言不任事更拜

太子少師同中書門下三品弟餘慶為定襄都督府司馬召使侍疾卒

年六十一高宗為舉哀東雲龍門賻有秘器唐書

王維字摩詰上元初卒年六十一疾甚縉在鳳翔作書與別又遺親故書

數幅停筆而化唐書

張鎬字在周代宗朝洪州觀察澄清之外無濁流審克之下無冤民在郡

十有一載享年六十一歲西江志

鄭儼年六十一卒天子為之不臨朝者三日贈尚書僕射昌黎集

蔣儼年少時遇張憬藏問祿命云六十一唐書儼作六十三今十月二十日

祿絕 攷異

王彥章字子明壽昌人驍勇有力能跣足履棘行百步執一鐵鎗而馳突奮疾如飛軍中號王鐵鎗累立戰功三日而破晉于南城後以兵少敗退被擒莊宗諭之不降遂見殺年六十一

五代史死節傳

錢藻字醇老吳越王元瓘元孫舉進士又舉賢良方正遷翰林學士年六十一神宗知其貧賻錢五十萬贈大中大夫

錢塘縣志

王旦字子明天禧初進位太尉兼侍中五日一赴中書叅決帝珍重委託至命皇太子出拜旦惶恐走避太子隨而拜之具言太子盛德福裕因薦輔佐十餘人後惟李及凌策不至相位薨年六十一贈太師尚書令

魏國公 弘簡錄

种世衡字平仲慶曆五年甲子啟手啟足神志不亂享年六十一葬于京北之神和原范希文銘曰寧以剛折果由直伸捍虜之患又邊之民夙夜乃職星霜厥身邇俗視之子也

范文正公集

黃魯直年六十一卒

本傳

張耒字文潛號柯山人稱宛邱先生歷直龍圖學士二蘇及黃晁諸人歿
惟耒尚存士人就學者衆分日載酒肴事之其名益甚年六十一卒
詩鈔

曾文昭公肇字子開及自朐山還朝集官拜送伴遼使七者語某曰昨朝
會日執某事者非曾舍人耶吾聞其名久矣其爲狄夷欽慕若此卒年
六十一累勲上護軍封曲阜縣開國子

楊龜山集

李浩字直夫不謁秦熈時論重之爲光祿丞輪對直陳無逸之戒及論時
政得失時王十朋爲方查龠胡憲相繼開陳聞者興起太學生爲五賢
詩以述其事歷官侍郎安撫夔路在鎮踰年以疾請未至而歿年六十
一夔州府志

劉齡字仲偃登元祐九年第方臘反陷杭睦州越大震官吏悉遁公曰吾
爲郡守與城存亡公下令富者出財壯者出力民歡奮無敢後遂輯練
兵爲戰守脩明年二月至城下公麾衆出戰賊大潰橫尸遍野自是不
敢近公境過台明以越爲屏蔽亦賴以全越民爲剏生祠比屋繪其像

飲食必祝曰活我者劉公也使金不屈而死年六十一一名臣言行錄

林逋隱居西湖杭州王隨每與唱和訪其廬出俸錢以新之李及薛映每

就見清談終日臨終詩曰湖上青山對結廬墳前脩竹亦蕭疎茂陵他

日求遺稿猶喜曾無封禪書卒年六十一仁宗賜謚和靖處士西湖志

牛學字伯遠爲岳飛部將擒楊么功除承宣使紹興上已都統制田師中

大會諸軍學遇箭亟歸曰學年六十一官至侍從卽死何恨所恨者南

北通和不以馬革裹屍耳明日卒或曰秦檜使師中毒學云宋史

張邵字才武建炎三年假禮書特轉五官直龍圖使金十年始歸公嘗險

出使及被囚桎畧無悔懼賦詩作文著述盈編帙歸獻所聞納忠于朝

將有施爲旣不遂也無意斯世六月丁酉公生朝先一日沐浴就寢詰

旦家人起爲壽安卧逝矣年六十一一名臣言行錄

袁桷字伯長童子時已著聲大德中爲國史院檢閱著有易說春秋卒年

六十一謚文清列朝小傳

貢奎字仲章天歷初以集賢直學士疾歸故里十月朔旦蚤作謂其猶子

六十二歲

晉文公重耳出亡十九年歸國年六十二史記

孔子六十二歲自蔡如葉公問政既而返蔡遇長沮桀溺而問津編年考

蘇武奉使留胡十九年乃得歸漢時武年六十二鬚髮盡白武歸帝以爲

典屬國後宣帝憐武忠節問左右武在匈奴久豈有子乎武因白胡婦

產一子通國願因使者致金帛贖之上許焉後通國隨使者至上以爲

郎武年八十二卒史記

馬援年六十二請擊武陵蠻環甲上馬以示可用帝笑曰矍鑠哉是翁也

遂督其征五溪大捷漢史

魏善相者謂應璩曰君六十二爲常伯而當有厄建安故事

李勣年六十二其姊嘗病勣親爲之煮粥風回熱其鬚鬢姊曰僕妾幸多

何自苦如是勣曰非爲無人使令也顧姊老勣亦老雖欲久爲姊煮粥

其可得乎編年考

白香山詩今歲日餘二十六來歲年登六十二尚不能憂眼下身因何更

算人間事居士忘筌默已坐先生枕菊昏已睡早晚相從歸醉鄉醉鄉去此無多地又余與蘇州劉郎中同壬子歲今年六十二詩曰今朝

吳與洛相憶一欣然夢得君知否俱過本命年又涼風嘆昨夜涼風又颯然螢飄葉墮臥床前逢秋莫嘆須知分已過濟安三十年長慶集

五代唐主亶六十二歲登位每夕于宮中焚香祝天曰某胡人爲衆所推

願天早生聖人爲生民主在位八年已殺兵革罕用

綱年考

呂夷簡字坦夫壽州人初真宗幸文穆第問曰卿子孰可用對曰有姪夷簡宰相才也真宗遂書姓名于屏後拜相仁宗初立太后臨朝十餘年海內晏然夷簡之力俱多年六十二感風眩仁宗降手詔曰古謂髮可療疾今剪以賜卿封許國公子公著元祐間亦稱賢相贈申國公

編年考

蘇軾年六十二謫昌化

儼

又惠州白鶴峯上梁文曰自笑先生今日髮

道旁親種兩株柑時先生年六十二也意謂不十年不着子恐不能待

也

李蓮春

又枕椰庵銘云東坡居士年六十二謫居儋耳無地可居

偃息于枕椰林中摘葉書銘以紀其處

年譜

自文曰吾夜夢作詩有竹樹蕭々夾泉石又云九轉丹成步羽翼是何
祥也語已泊然而逝年六十一贈翰林直學士追封廣陵郡侯謚文靖
雲林集

馬珏

字宜甫十二月二十二日夜將二鼓風雨大雷東首枕肱而逝索筆

頌曰長年六十一在世無人識烈雷吼一聲浩々隨風逸元至元中贈
丹陽抱一無爲真人史纂

曾榮字子榮永樂進士廷試第一太宗親批所對策褒美之詔選進士二

十八人進學文淵閣榮爲之首應制賦天馬海青歌榮獨先成賜寶帶

名馬進少詹事日直文淵閣踰年卒年六十一病革呼酒痛飲自爲贊

曰官詹非小六十非天我以為多人以為少易簀蓋棺此外何求青山

白雲樂哉斯邱

列朝小傳

羅洪先字達夫年六十二疾作危坐而逝

列朝小傳

曾蔡字千

其題非一無餘真

黑丑字宜甫十二月二十二日亥時二楚風雨大雷東首淋瀝而過榮華

楚林集

新詩曰即然而過平六十一韻鍾林直學士張桂蘭刻時英蓋文獻
父曰吾亦愛詩林詩繼韻之夾泉否又云此轉其刻也既其同

伊川先生爲張繹曰吾受氣薄三十而浸盛四十五而後全今六十二矣校其筋力如盛年無損若人待老而保生是猶窮而蓄積

伊川行狀

陳驥字德純元符中歷宗學博士性梗特蔡京用事恥爲之屈不肯一見

歷温州通判年六十二卽掛冠自號安處居士

萬姓統譜

石康伯字幼安眉山人故紫薇舍人昌言之幼子也舉進士不第卽棄去

當以蔭得官亦不就讀書作詩自娛而已不求人知獨好法書名畫古

器異物遇有所見脫衣輟食求之不問有無長七尺髯而黑如世所畫

道人劍客今年六十二狀如四十許人鬚三尺郁然無一莖白者此豈

徒然者哉

東坡集

陸放翁讀山谷五十六翁之句作六十二翁吟三百里湖水接天六十二

翁身刺船飯足便休慵念祿丹成不服怕登仙胸中浩浩了無物世上

紛紛徒可憐但有青錢沽白酒猶堪醉倒落花前

本集

王彥輔云近時士大夫多因病篤不致仕予在司農忽得目疾乞宮觀已

而掛冠年六十二矣恐四方親友驚嘆乃自削奏牘叙致頗詳其末云

乞骸以去敢希漢傳之高風鼓腹而嬉願遂堯民之至樂

王彥輔塵談

許衡令家日具早饌午饌以老疾日西不復食矣先生時年六十有二以宿疾當忌鹽肉食麪三年且以治法不可不補而體力不可有瀉故日節飲食未嘗敢致于飽飽則必有以補邪氣也然朝夕蒞事畧無老人疲倦之意

國學事跡

王元吉字國祥其姪王顯言國祥說元御史福壽以計破取二盜將如探穀雖然固策士也而世不聞其名當時人亦不知計出乎君君年六十二年且高不喜名名不聞于世至死而不悔古策士能之乎此其事足稱矣

遜志齋集

朱善元末兵亂隱山中洪武初為郡學教授六十二歲召廷試第一授翰林修撰既而放還復召陞文淵閣大學士

編年考

徐亞卿原一年六十二得雙生李東陽東以詩云澄澄嚴江波混混入東

海雙雙出明珠煌煌弄光彩聲聲識異物表表見神采遙遙徐卿胃滾

滾靈源在

懷麓堂集

方學聰字仲達宰會同時年六十二矣捐俸脩攀龍橋橋成而子生因名

攀龍龍眠風雅

蔣信號道林常德人歷官貴州按察使嘉靖甲辰年六十二退居桃岡聞
湛甘泉遊南岳往從之唱和彌月戊申八月再遊南岳時兵憲潘公子
正請先生開講于甘泉精舍衡士多從遊者衡州府志

全州蔣文定冕成化丁未登第官至少傅太子太傅謹身殿太學士六十

二致仕卒贈少師呂文簡調陽以嘉靖庚戌登第官至少傅太子太傅

建極殿太學士卿謹六十三致仕贈太保並為時相首輔名位權力亦

同而文定之自樹立偉矣弁州奇事述

孔伋字子思年六十二卒困于宋子思作中庸

史記

荀悅字仲豫著有漢紀三十篇詔尚書給筆札詞約事詳論辨多美年六

十二卒後漢書

張衡字平子文和初出為河間相衡下車治威儀整法度陰知姦黨姓名
一時收擒上下肅然稱為政理視事三年乞骸骨徵拜尚書郎卒年六

十二後漢書

古言卷之六

七

諸葛恢字道明過江名臣王導庾亮元帝以恢爲會稽太守政績第一累遷尚書令年六十二卒元經薛氏傳

朱恒字休穆吳郡人以功封嘉興侯輕財貴義愛養吏士瞻護六親故人爲效死卒年六十二子昇嘉興府志

朱建平善相鍾繇以爲唐舉許負何以復加然相王肅年踰七十位至三公肅六十二終于中領軍耳史氏以爲蹉跌孔氏雜說

顧愷之字長康俗傳愷之有三絕才絕畫絕癡絕年六十二卒于官所著文集及啟牒記行于世晉書

王仲舒字弘中少時當名公皆折官位輩行願爲交天子嘗曰王其之文可思最宜爲誥有古風除江西觀察人餉于田廬謳歌于道途長慶七年十月十七日卒年六十二昌黎集

韋貫之名純避憲宗諱以字行沉厚寡言與人交終歲無欵曲不爲僞詞以悅人爲右丞時有僧曰君且相貫之命左右引出曰此妄人也裴均

子持萬縑請撰先銘答曰吾寧餓死寧能爲是哉卒年六十二贈僕射
謚曰貞後更謚文

宋祁唐書

畢誠字存之父爲塩估早孤燃薪讀書宣宗訪邊事曰不意頗收近在禁

中懿宗朝同平章事卒年六十二

宋祁唐書

黃城字君度早歲喜讀書加冠中鄉舉累官至國子博士出知撫州罷蔡

君謨知監院因言城才器明敏負性公廉所至有聲臨事不苟嘉祐末

會恩復官年六十二至朝奉郎

萬姓統譜

王晏球字瑩之多兵畧在朱梁累立戰功官至平盧節度使兼中書令卒

年六十二贈太尉

五代史

陸徽字休猷除廣州刺史清名亞王鎮之爲士民所愛詠卒年六十二身

亡之日家無餘財太祖痛惜之

宋書良吏傳

謝枋得上丞相劉誠齋書云某今年六十有二矣某斷不可有聘者何三

卽是年四月五日餓卒于驛

事文類聚

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

王僧虔字僧虔卒年六十二

六十三歲

孔子六十三歲圍于陳蔡講誦絃歌不衰使子貢至楚楚昭王興師來迎時昭王渡江有物來觸王舟使使問孔子孔子曰此萍實也吾昔之陳野聞小兒謠曰楚王渡江得萍實大如斗赤如日剖而食之甘如蜜得母是乎

編年考

顏含字弘都荊人守郡簡而有恩明而能斷王導歎曰顏君在是吳人歛手矣六十三歲欲致仕郭璞至舍將筮之含曰年在天位在人脩己而天不與者命也守道而人不知者性也自有性命何勞蓍龜後壽九十

三終

編年考

謝安六十三歲苻堅入寇安舉謝玄帥師拒之大破堅兵于淝水安方與客圍棋得捷書置床上了無喜色圍棋如故客問之徐答曰小兒輩遂已破賊既罷還內過戶限不覺屐齒之折

編年考

李靖六十三歲為特進靖以疾遜位上曰朕嘉公意欲以公為一代楷模故不相違及拜特進俟疾小瘳間二三日至門下中書平政事

編年考

王維字摩詰太原祁人少有俊才博學多藝歷尚書右丞以詩名盛于開元天寶間尤長于畫特臻其妙年六十三即長齋不衣文采得宋之問藍田別業在輞川與道友裴迪浮舟往來彈琴賦詩詠嘯終日壽八十

二終東坡云摩詰詩中有畫畫中有詩

編年考

張柬之年六十三為清源丞有善相者曰當位極人臣

文苑

白香山詩老思不禁春風光照眼新花房紅鳥嘴池浪碧魚鱗倚棹誰為

伴持杯自問身心情多少在六十二三人

又劉妻勸諫夫休醉王侄

分疎叔不癡六十三翁頭雪白假如醒煞欲何為

長慶集

公乘億以詞賦著名二十舉不第年已六十三在都常病鄉人傳言已死

其妻自河北來迎喪會億送客至坡下遇其妻相持而泣旬日億登第

編年考

范鎮字景仁年六十三疏五上乞致仕歸蜀至成都日與鄉人樂飲散財

與親舊之貧者遂遊我眉青城山下巫峽出荆門九暮歲乃還作詩二

百五篇其一云不學鄉人跨驪馬未饒吾祖泛扁舟

山堂肆考

富弼字彥國河南人少有大度寬厚溫良范仲淹奇之曰王佐才也至和中與文彥博俱年六十三並拜相中外相慶號稱賢相雖微官布衣謁見皆與之抗禮引客坐語從容送之及門視其上馬乃還治家嚴整居心清泰子孫彬睦子舍女僕以禮分別閨門肅如也封鄭國公詔許肩輿入朝坐訪治道王安石用事遂告老歸

編年考

范希文手書伯夷頌墨跡賈昌朝跋曰范希文好談古賢人節義老而彌篤書此頌時六十有三矣

范文正公集

范文正舉孔文仲爲賢良文仲對策極論新法之害安石怒罷文仲歸公上疏爭之不報時年六十三卽請致仕疏凡五上

淵鑑類函

東坡年六十三在儋州是年吳子野來訪先生而先生以詩贈之其序云去歲與子野遊逍遙堂因往西山叩羅浮道院宿于西堂今歲索居儋耳子野復來相見作詩贈之辭又別載軾負大瓢行歌田間有饁婦年已七十謂曰內翰三十年富貴一場春夢耶軾然之呼爲春夢婆陸游年二十作菊枕詩頗傳于人今秋偶復采菊縫枕囊復作詩采得黃

花作枕囊曲屏深幌闌幽香喚回四十三年夢燈暗無人說斷腸謫南

楊萬里某今也年六十有三矣師友零落殆盡道不加修德不加進不但

四五十無聞而已然不虛此生者猶以粗有聞于洪齋也

楊萬里洪齋記

丁野鶴錢塘人師徐洞陽元霄衆以月供齋競談吳門燈之盛令各閉目

目啟而燈見久之衆謝之曰更能化羣鶴爭起捕所化鶴皆紙也先是

召其妻王守素付之偈曰嬾散六十三妙用無人識順逆兩相忘虛空

鎮常寂妻感其言亦爲女冠

紫陽道院志

馬臻字志道寒食日詩密竹疎簾春晝殘疾風甚雨滿江南又逢寒食一

百五不覺行年六十三楚女腰肢從妙舞晉人標格止清談不勞燕子

終朝語冷暖時情我自諳

宋書

宋濂題趙魏公書大洞真經此卷乃題趙魏公六十三歲所書至精至妙

非言辭贊美可盡蓋公之字法凡屢變初臨思陵後取則鍾繇及羲猷

末復留意李北海此正所謂學羲猷者也

宋學士集

商輅六十三歲英廟復位進戶部尚書兼文淵閣大學士一日召見議及

則王監國輅親經言其泰有社稷功當復帝號在石閣之皆泣上亦泣
遂後帝號東宮母紀貴妃薨輅舉宋宸妃故事槨斂悉如禮時內官汪
直坐西殿威擬至尊輅疏十罪上怒曰用一內臣遂係天下安危乎命
太監懷恩傳旨詰責輅正色曰朝廷無大小有罪該請旨收問渠敢擅
抄扎三品以上京官大同宣府京師北守備一日不可缺渠一日而擒
械數人南京根本重地留守大臣渠敢擅自收捕諸近侍渠敢擅自改
易此人不熟國家安平危乎懷恩聞之咋舌而退上乃即日撤去西殿
輅遂以請老告歸編年考

葉峴字見山青田人性至孝母嘗病痛心扶持不離側母憐之令外息峴
夜潛入壁間捫心達旦至母終始舉進士時年六十三治五經歷官南
安府尹著見山集處州府志

陸深玉堂漫筆予登乙丑科今年三十六年矣沉浮中外六十有三歲已
亥蒙御筆親題以學士掌行在翰林院印扈從南巡時同年在朝者九
人掌十印亦盛事也寬邪

荀爽字慈明董卓徵爲平原相遷光祿勳司空出自巖藪九十三日遂登

台司年六十三

陶集

陸遜字伯言卒年六十三官至丞相家無餘財

三國志

范甯字武子汪子也既免官家于丹陽猶勤學終年不輟年六十三卒于

家初甯以春秋穀梁未有善釋沉思積年爲之集解其義精當爲世所

重

晉書

杜預字元凱博學多通明于興廢之道起家尚書郎以功進當陽侯嘗對

武帝曰臣有左傳癖預在荊州因宴集醉卧齋中外人聞嘔吐聲竊窺

于戶正見一大蛇垂頭而吐聞者異之卒年六十三

晉書

陶淵明卒年六十三

本傳

王弘之字方平性好釣常垂綸于上虞江上過者不識之問漁師得魚賣

不弘之曰亦自不得得亦不賣日夕載魚入上虞經親故門各以一兩

頭至門內而去卒年六十三

宋書

閻康之字伯愉少而篤學與趙澤友善顏延之見而知之世祖卽位遣大

使陸子真巡行天下使反薦康之業履恒貞操最清固行信聞黨與延
邦邑棲志希古操不可渝不就年六十三卒

宋書隱逸傳

蕭子雲字景喬歷侍中祭酒善草隸爲時楷法梁武論書曰筆力勁健心
手相應巧逾杜度美過崔實當與元常並驅爭先其見賞如此卒年六
十三著晉書一百一十卷

南史

劉瓛字嗣芳梁武忌其才出爲潯陽太守魏使李諧至恨不相識嘆曰梁
德衰矣善人國之紀也出之無乃不可乎終于夏口卒年六十三

南史

褚遂良卒年六十三

唐書

李德裕貶崖州司戶叅軍明年卒年六十三德裕既歿見夢令狐綯曰公
幸哀我使得歸葬綯語其子滿滿曰執政皆其憾可乎既夕又夢綯懼
曰衛公精爽可畏不言禍將及白于帝得以還喪綽新繁縣有東
湖德裕爲宰日所鑿夜夢一老父曰某潛形其下幸庇之明府富貴今
鼎來七九之年當相見于萬里外後于土中得一墓徑數尺投之水中
而德裕以六十三卒于朱崖果應七九之讖

北夢瑣言

鄭畋字白文爲人仁恕姿采如峙玉凡與布衣交至貴無可易官平章事
卒年六十三後帝思畋忠力特贈太傅

宋祁唐書

劉瑑字子全宣宗素器遇自河東召判度支外無知者帝視案上曆令瑑
擇一令日瑑曰某日良帝笑曰是日卿可遂相即詔同平章事俄而瑑
大病加工部尚書拜卧內猶手疏陳政事居位半歲卒年六十三

諡

喬執中字希聖紹聖初以寶文閣待制之鄆州爲政寬厚有仁心屢雪刑

獄活以百數明年夢神人昇以騎都尉詰旦爲客言之談笑而逝年六
十三

弘簡錄

晏殊字同叔卒年六十三謚元獻

東都事畧

張叔夜字嵇仲耆之曾孫以蔭調蘭州錄誘降宋江二聖北狩扈從北去

死國年六十三謚忠文

名臣言行錄

趙鼎字元鎮拜平章朝士相慶及謫吉州謝表曰白首無歸悵餘生之無
幾丹心未泯誓九死以不移檜怒曰此老倔强猶昔又居三年檜命水
軍月具存亡申省尋得疾自書墓石云身騎驥歸天上氣作河山壯本

朝遂不食卒年六十三天下聞而悲之紹興十七年也孝宗卽位詔還爵位贈太傅謚忠簡

趙鼎

乃唐李德裕轉世俱壽六十三

趙鼎

洞山价禪師咸通十年入寂壽六十三歲僧臘四十二勅謚號悟本禪師

塔慧覺是爲曹洞宗

五宗綱紀

鄭戡字天休仁宗喜曰戡氣質英豪朕願爲相故屢試于外尋爲宣徽北

使檢校太保卒年六十三謚文肅

吳郡志

郭愔少勤學問以理學爲諸儒倡母杜氏患疾衣不解帶躬親澡滌凡六

越月手指溫爛成瘡終不以人代洪武薦授饒陽知縣德被八府考滿

上道卒年六十三門人私謚貞成先生

通志

莊景字孔易貌古而心易學博而志大退遜若不勝衣而胸中多奇探之

索之其出無窮爲詩脫稿卽傳誦四方詩之初變自先生始也成化丙

戌進士累官至吏部郎中致仕卒年六十三號木齋又號定山

類書

萬曆丁亥嘉興包世熙夜夢同表兄諸澄甫謁城隍神各以父年爲請澄

甫父鉤時任衡水學諭世熙父憲副樺芳也神謂澄甫曰汝父得六十

三謂熙曰汝父止六十熙驚懼而覺辛卯三月衡水訃至果六十三熙以前夢既驗心切憂之密爲疏禱于神願捐已十齡以續父算抗詞哀懇聲淚俱下至十月熙以暴疾亡時檉芳五十八延至六十三卒嘉興外紀高明號五宜由南京乞恩養歸年六十三預畫八卦于靈壁明年忽一日嘆曰予大限足矣贊其堂云懷思堂上懸八卦列西東八八六十四卦我壽數同平生窮此理數寓理之中密密自存省今日始收功蓋棺事已定樂哉五宜翁端坐而逝西江志

于慎行字無垢歷官禮部尚書力請建儲不報自劾乞罷久而上思之詔以原官入直東閣甫拜命以末疾卧邸中不旬日卒年六十三贈太子太保謚文定列朝小傳

屠隆號赤水少有俊才劉勰試以浪海波恬賦頃刻立就萬曆進士年六十三卒浙江通志

六十四歲

孔子六十四歲在衛衛君輒據國拒父而欲孔子為政孔子曰必也正名

平編年考

安六十四歲為太保奏請乘符氏傾敗開拓中原以謝玄桓石虔等伐

秦河南城堡皆來歸附

編年考

張澄字國明晉光祿大夫當葬父郭璞為占葬地曰某處年過百歲位至

三公而子孫不蕃某處年減半位止于卿而子孫貴顯澄乃葬其劣處

位至光祿年六十四而其子孫昌熾公侯將相至梁陳不絕雖未必因

葬地而然足見其愛于孫厚于身矣

溫公家範

徐勉六十四歲自書曰冬日之陽夏日之陰良辰美景負杖躡屨逍遙陋

巷臨池觀魚披林聽鳥酒一杯彈琴一曲求數刻之樂庶幾居常以

待終

編年考

自樂天臨鏡喜老詩今朝覽明鏡鬢髮盡成絲行年六十四安得不衰羸

長慶集

白巖喜頂華陽巾好道號純陽子咸通中舉進士第六十四歲遊長安酒肆遇鍾離雲房以黃梁夢警之遂得道仙去又呂崖蒲州人唐會昌中兩舉進士不第年五十遇鍾離子得金丹之術自稱回道人嘗遊岳陽樓題詩云朝遊北海暮蒼梧袖有青蛇膽氣粗三醉岳陽人不識朗吟飛過洞庭湖又云宴罷歸來海上山月瓢承露浴金丹夜深鶴透秋空碧萬里秋風一劍寒又岳州青羊觀石壁記呂真人傳云洞賓二十二歲登開成元年進士第因遊長安市肆遇鍾離權傳道得仙之事未知孰是

楊孝本年六十四自號玉崖居士

編年考

邵堯夫安樂吟云安樂先生不顯姓氏風月情懷江湖性氣不出戶庭自際天地三軍莫陵萬鍾莫致為快活人六十四歲

本傳

洛陽耆英會端明學士兼翰林侍讀學士司馬光年六十四用唐狄兼謨故事與焉詩曰洛下衣冠愛惜春相從小飲任天真隨家所有自可樂為具雖微誰笑貧不待珍羞方下筯只將佳景便娛賓庾公此興知非

淺藜藿終難作主人 事文類聚

歐陽公詩序云自丁家難服除入翰林爲學士忽忽八年間歸頌之志雖未遂然未嘗一日少忘焉至于今六十有四免并得蔡蔡頌迎福且因得爲歸老之漸齡筆熙寧庚戌歐陽公年六十四是歲公更號六一居士

年譜

東坡年六十四在儋州正月十三日錄廬全杜甫詩遣懣是時久旱無雨陰翳未快至上元夜老書生數人相過曰良月佳夜先生能一出乎先生欣然從之步城西入僧舍歷小巷民夷雜操屠沽紛然歸舍已三鼓矣歸錄其事爲已卯夜書

年譜

朱熹書先吏部手澤後內弟祝康國出視先君子與外大父書熹之不肖于是始生故書中及之今六十有四年矣捧讀手澤涕泣交零敬書其後而歸之

朱子全書

楊萬里送大兒長孺赴零陵簿詩老夫今年六十四大兒壯歲初至仕先人門戶冷如水豈不願汝取高位莫愛渠愛了高位失丈夫

退休集

錢良有字翼之至元間余客杭得交子行父雖齒在余先甚欵密也越二

十一年見其手跡感悼之餘為作七言一首時余年六十四無家人擬

地行仙自號青霞小洞天愛竹每留緣郭寺吹簫時泛湖船江村先

蘇子瞻寄吳德仁兼柬陳季常詩一首趙魏公子昂所書公時年六十四

其從集賢學士拜翰林承旨亦僅十有四日耳自是官公集

陳君諱誠字子魯吉水人洪武甲戌進士初拜行人司正使安南有聲既

還陞翰林檢討之職累遷至廣東右叅政于是日拜受官逮今三紀

歷事四朝而年已六十四矣既蒙恩歸老于鄉始克治前之居為逸老

堂以畢其初志 曾榮選老堂記

李東陽求致仕書疏臣年六十四歲入仕途者四十七年在內閣者十六

年越自先朝至于今日具本辭免者二十餘次 西涯集

顧鼎臣方生時父已逾艾恒恐祿不逮養每夜焚祝願減己算益親一夕

父夢天門洞開身披八卦衣仗七星劍兩內侍捧玉冊以待之其後鼎

臣監國內璫持玉冊如夢年亦與卦合 蘇州府志

陳布衣真晟天順二年用伊川故事詣闕上程朱正學纂要及書上下禮部議竟寢六十四歲走臨川就正康齋至江西張元禎止之宿扣其學大加稱許曰不必至臨川爲也遂歸至鎮海教人專一靜坐既卒郡守彭桓立石官道傍題曰大明闕下兩上書請補正學泉南布衣陳先生墓編年考

劉麟字元瑞江西安仁人弘治丙辰進士立身清正不阿奸黨歷官副都御史每爲斥逆瑾兩致引疾歸六十四歲再起爲大理寺卿推工部尚書又以條陳織造事請罷遣中璫忤旨勒令解職公既歸益遠世紛片簡天牘人爭寶之性好樓居而力不能作友人文徵明寫層樓圖遺之嘗懸之壁命曰神樓賓至則陳法書名墨以爲娛叩以時事則不答編年考

查道字湛然父元方宋侍御史知果州卒于官道奉母渡江居如里少以詞學稱性最孝母疾綿惓思鰾魚方冬不獲道泣禱于河鑿冰取之得鰾尺許以進母疾尋愈聞者爭往釣之終無所得母卒哀毀杖而後起

端拱初進士解褐爲館陶尉曹武惠王寇萊公皆薦之授著作佐郎通判遂州使兩川者以道治狀聞優詔加獎遷知果州時寇黨何彥思依險自固道曰彼懼罪欲延命須與耳遂微服單騎直趨賊所賊驚悉持滿外向道神色自若踞胡床坐諭以詔意或識之曰郡守仁者也相率投兵請罪悉給券歸農璽書褒美會舉賢良方正李宗諤以道名聞策入第四等拜左正言直史館累至龍圖閣待制道純厚長者分俸給親踈貧者由是常貧不屑意縉紳高之年六十四

知阜縣志

繆恭字敬思太平縣學生弘治初求直言公以布衣上書論天下六事一曰保神器二曰崇正學三曰紹絕續四曰懷舊勲五曰廣賢路六曰革冗員首尾數千言無忌諱切時事疏入通政司大懼拘留而劾奏之上亦不之罪令有司送歸自是杜門不出環堵蕭然自稱小茅山餓夫示志也年六十四自爲墓銘六十五卒著有茅山藏稿崇祀鄉賢

太平縣志

蔣瑞可秉性肫摯事親以孝聞父年六十四患篤疾罔効乃密禱于天嘗股作羹以進父病遂愈壽至九十三刺史朱子恭建孝子坊并歌一章

勤諸石 廣西通志

朱穆年六十四卒天子痛悼詔曰尚書朱穆立節忠清履恭機密守死善

道宜蒙旌寵蔡邕與門人謚爲文忠先生 後漢書

王儁字子文少爲范滂所識與南陽岑暉善曹操爲布衣特愛儁儁亦稱

公有治世之具卒年六十四終于武陵 皇甫謐逸士傳

王導字茂弘京洛傾覆導收賢人君子荆揚晏安朝野傾心歷仕三朝累

遷至太傅年六十四薨謚文獻 元經薛氏傳

顧和字君孝居任多所獻納雖權臣不苟阿撓永和四年以疾篤拜左光

祿大夫儀同三司卒年六十四謚曰穆 晉書

戴顒字仲若宋太祖元嘉二年詔曰戴顒宗炳並託志邱園自求衡華恬

靜之操久而不渝卒年六十四 宋書

顧歡字景怡父母亡水漿不入口六十日廬于墓側徵揚州主簿不就上

賜麀尾素琴事黃老道解陰陽書多驗元嘉末寄往東府忽題柱云三

十年二月二十一日因東歸後太初之事果是此年月日自知將終賦

詩曰精氣因天行遊魂隨物化刻死期卒于剡山身體柔軟時年六十
四南齊書

太尉李德裕爲并州從事忽有王山人謂曰某善按冥因請脩几案紙筆
香水與公偕坐于西廡下頃之王生曰可驗矣紙上書八字位極人臣
壽六十四王生遽請歸不知所去及會昌朝三策一品薨于海南果符
王生所按之年李潛據異記

裴行儉字守約工草隸名家帝嘗以素絹詔寫文選覽之秘愛其法賞物
良厚行儉每曰褚遂良非精筆佳墨未嘗輒書不擇筆墨而妍捷者吾
與虞世南耳能知人官至幽州都督卒年六十四謚曰獻唐書

張嘉貞字嘉貞帝欲用之而忘其名詔韋抗曰朕記其風操而今爲北方
大將張姓而複名卿爲我思之抗曰非張齊邱乎今爲朔方節度帝卽
使作詔以爲相夜且半因闕大臣表疏遂得其名卽以爲中書侍郎同
平章事遷中書令老以疾丐還東都詔馳驛護視卒年六十四謚曰恭
肅唐書

孟東野年六十四以暴疾卒韓昌黎貞曜先生墓誌

呂洞賓謁張洎留詩云功成當在破瓜年俗以破瓜爲二八洎年六十四

一作六十六卒事文類聚

宋祁左志云祁之爲名宋之爲氏學也則儒亦顯其仕行年六十有四孤

操完履三封之南華從孔子說郭

田錫字表聖年六十四終于私第公自白衣已有意于風化上書闕下請

復鄉飲禮又請脩藉田禮及在朝廷知無不言范文正銘曰田公天下

之正人也言甚危命甚苦居心而弗疑終身而無違范文正公集

包拯字希仁卒年六十四贈禮部尚書諡孝肅弘簡錄

范希文年六十四卒范文正墓誌

羅從彥字仲素入朝爲直學士年六十四歿年譜

蔡幼學以直學士權兵部尚書入對言朝廷歲遣厚幣入金值其有

難不果納遂以兵部過索取且肆其侮慢天怒人憤願伸大義以破其

謀上憤始與金絕一夕感異夢星隕于室西南隅遂卒年六十四生

平器質疑重終日危坐一語不妄發

宋書道學傳

查遺字去非少以孝聞母病思鰕羹方冬不獲泣禱鑿冰得鰕以進母疾

尋愈李宗諤以賢良方正薦授工部員外克虔支賜金紫卒年六十四

有文集

揚州府志

李常字公澤少警悟好學強記文章捷敏登進士累官陞西郡開國侯年

六十四

秦觀李公行狀

王覲字明叟清修簡淡人莫見其喜愠持正論再罹遣逐不少變年六十

四無疾而終累知龍圖直學士

揚州府志

任級字師中眉山人少好學論書通大義性任俠與兄孜相繼舉進士知

名號二任級守齊安嘗遊定慈院既去郡人名其亭曰任公卒年六十

四秦觀淮海集

李克正名頤以字行洪武初拜監察御史瓊州府吏告其守進表公座剪

名勒之抵吏罪上喜超拜禮部尚書年六十四卒

列朝小傳

呂柟字仲木正德戊辰狀元除修撰議大禮忤旨判解州累遷至祭酒

行舉人勤于訓迪動遵古誼不愧成均重任云陞禮部侍郎致仕卒年六十四著有四書因問五經說史館獻納經野文集十四種類書

張如式字仲玉號星衡蜀閬中人孝友著聞鄉里甲申元月年六十四歲召子及親友曰某爲閔帝召司文書當于二月二十五日寅時永訣親友在數者爲具言其名令子速葬之六月必有兵變復囑其子宜避秦中後得科第是歲四月卽聞燕都失守六月果有闖賊兵至城中大亂親友相繼亡者悉如其言壬辰其子佳慶果領鄉薦乙未捷南宮今授監察御史其言歷歷果驗編年考

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

蘇秦說其言蘇秦果能

六十五歲

于公東海剡人爲縣獄吏決獄平恕多行陰德六十五歲值閭門修治令人曰高大吾門間可容駟馬車吾後世必有興者生子定國字曼倩果爲相封西平侯孫永亦爲御史大夫

編年考

韓康字伯休霸陵人隱姓名採藥賣于長安市口不二價三十餘年時六十五歲有女子從康買藥守價不移女子怒曰公韓伯休耶乃不二價乎康曰我本欲避名今女子皆知有我遂遁入霸陵山中桓帝以安車聘康乃佯諾自乘柴車先行亭長以韓徵君過方修道及見康柴車以爲田叟也奪其牛頃之知卽徵君也因中道逸去

編年考

謝安六十五歲以王道子專權請出鎮廣陵

編年考

王遠知卒遺命子紹業曰爾年六十五見天子七十見女君調露中紹業表其言高宗召見嗟賞追贈遠知大中大夫諡升貞先生武后時復召見如其言又贈金紫光祿大夫改諡升玄

唐書

李泌六十五歲德宗徵爲左散騎常侍與論天下事料叛賊李懷光不久

必爲臬矣又保薦韓滉同平章事唐書

白香山詩大限年百歲幾人及七旬我今六十五走若下坡輪假使得七十只有五度春逢春不遊樂但恐是癡人

長慶集

祥符九年詔京師官年六十已上勿差監任在京諸倉時國子博士羅文載年六十五受勅上言求免上曰京官自受納至給畢殆六七歲老若此輩一任則老于掌庾矣因著式焉

長編

歐陽修熙寧辛亥公年六十五告老六月甲子以觀文殿學士太子少師致仕又寄韓子華詩序余與韓子華長文馬玉同值玉堂嘗約五十八歲致仕子華書于柱上其後蒙恩寵歷仕三朝脩位二府已過七年方能乞身歸老

歐集

司馬光四月二十六日作率真會伯康與君從七十八歲安之七十七歲正叔七十四歲不疑七十三歲叔達七十歲光六十五歲合五百一十五歲口號成詩用安之韵七人五百有餘歲同醉花前今古稀走馬鬪雞非我事紵衣絲髮且相輝經春無事連翩醉彼此往來能幾家切莫

辭斟十分酒儘從他笑滿頭花坐中七叟推年紀比數前入少幾多在
是錦紅頭白雪不遊不飲欲如何溫公全集

蘇子瞻年六十五移廉州又提舉玉局觀任使居住年譜

紹興丁丑李延平先生年六十五子信甫及友直同登王十朋榜進士是

年又有答文謏言涵養存養之事年譜

元好問故閑道中詩六十復半十年年添白頭駢字類編

張起崖拜御史中丞修宋遼金三史史成年始六十五遂乞歸卒之日清

貧如故謚文穆元史

朱善有遼東之謫自分臨老投棄荒遠無復生還之理而未逾兩月即有

賜還之詔彼時善年六十有五而聖主已憐老病欲全其生朱善與胡

楊善六十五歲從上北征至土木師潰間行達京師足胝不為倦寇犯京

師以善佐于謙營九門外郭以與寇角數有功是時太上皇在漠北元

旦故事自朝正出即相率于朝房投謁稱賀善獨流涕曰此何時也大

上皇帝何所而我曹稱賀耶眾止既而遣善往漠北會也先奉太上皇

歸至復辟特進爵封興濟侯予誥券承襲年七十五終謚忠敏

編年考

李茂弘正統間仕考功郎嘗言可憂謂君臣之情不通經筵進講文具而已不過粉飭太平年六十有五即抗章致仕而去

編年考

陸文定公樹聲六十五歲廷推內閣郎家拜禮部尚書疏辭不允始勉赴

陛見畢江陵首謁公接對殊簡江陵以徵言妮之公笑曰一史官二十始出山豈爲樹桃李希揆席耶弟中丞樹德曰兄即倦遊宜爲孺子恩澤地答曰吾得首邱有見行歌負薪亦任之矣凡五疏得賜告乘傳歸瀕行疏陳十事尤觸時忌江陵詰別踞床見之抗手謝曰病甚召公推轂奈何江陵敗臺省交疏推薦無虛歲公高卧彌堅

編年考

天順十同年圖南京戶部尚書王軾年六十五

推書

吳應賓字尚之九日書懷風雨城頭送酒頻重陽六十五回人籬邊看菊圓通耳薊北登高夢覺身冷淡長心安白社遮藏短髮謝烏巾平生別有悲秋興一任茱萸滿路新

龍眠風雅

索靖字幼安少與范滂張彪索紞索永俱詣太學馳名海內稱燉煌五龍

四人並早亡惟靖舉賢良方正高第張華與靖一面皆厚與之相結與賊戰被傷年六十五

晉書

顏師古字櫛其少授安養尉楊素見其年弱曰安養劇縣子何以治之師古曰割雞未用牛刀素驚其言大後果以幹治聞累遷至弘文館學士從征遼道病卒年六十五謚曰戴所著漢書急就章大顯

唐書

顏杲卿字忻與遇害時年六十五乾元初贈太子太保謚忠節初杲卿見殺徇首于衢莫敢收有張奏者得其髮謁上皇是夕見夢帝寤祭後奏歸其子妻妻疑之髮若動云后杲明購尸將葬得刑者言死時一足先斷與袁履謙同坎瘞指其處得之

唐書

李光進弟兄榮冠當時卒年六十五贈尚書左僕射有至性居母喪三年不歸弟光顏娶而母委以家事及光進娶母已亡弟知籍資貯納管鑰于姒光進命返之曰婦逮事姑且常命主家事因相持泣如初姒諢李虞仲字見之端子歷吏部侍郎簡儉寡慾時望歸重卒年六十五贈尚

書宋祁唐書

劉昌字公明以功封南川郡王卒年六十五贈司空

宋祁唐書

曾子固年六十五卒

本傳

劉錡字信叔爲人慷慨深毅通陰陽家行師有儒將風金主亮嘗枚舉南朝諸將姓名其下皆應答如響至錡莫有應者亮曰吾自當之下令有言錡姓名者斬在揚悉徹城外民居以白灰粉城壁徧書完顏亮死于此亮果見而惡之乃退居瓜州人衆不可容以致大變錡年六十五卒

謚武穆

宋書

何鑄字伯壽拜御史中丞秦檜命鑄鞠岳飛見飛背有盡忠報國四字既而閱實皆無驗以白檜檜不悅鑄曰鑄豈爲岳飛者但封疆任重無故殺一大將失士卒心非社稷之長策檜詰鑄塞改命万俟卨治之會舍遣使議事檜乃擢鑄端明殿學士爲報謝使既返以鑄私岳飛謫徽州卒年六十五嘉定中始謚恭敏焉

餘杭縣志

陳瓘字瑩中號了翁

以論蔡京下事坐謫卒年六十五

延平府志

文文山歐陽異齋祭文先生官二品不爲少年六十五不爲天有子有孫

而又何憾于斯其又在名山大川詔百世而奚疑

文山集

劉基年六十五卒

本傳

邵允宜字仙谷性純孝甫離提抱即能循古孝子禮父喪年已六十有五

苦塊不御肉酒三年幾骨立

富陽縣志

楊守陳屢累官至御史左侍郎年六十五時金星犯進賢占者以爲賢人

當厄守陳實應之賜謚文懿人方以伊傅期之而不竟其施疾亟語弟

若子曰吾學至爲君子年逾六十夫復何憾惟恨君恩未報爾曹勉之

聞者莫不傷焉

寧波府志

王元美以刑部尚書乞歸卒年六十五

事文類聚

王元美以同濟山背之觀卒年六十正事文類聚

問者莫不遇焉事文類聚

善子曰吾學至然亦年六十夫其所以然者何恩未雖爾曹之

善哉乎其賢也事文類聚又續人丈以年而之而不意其誠爽也

善哉乎其賢也至觀與主者酒年六十正其金星以賢賢人

善哉乎其賢也至觀與主者酒年六十正其金星以賢賢人

善哉乎其賢也至觀與主者酒年六十正其金星以賢賢人

善哉乎其賢也至觀與主者酒年六十正其金星以賢賢人

善哉乎其賢也至觀與主者酒年六十正其金星以賢賢人

六十六歲

孔子六十六而夫人元官氏卒期年伯魚猶哭孔子聞之曰嘻其甚也伯

魚聞之遂除之

禮記

顏延之六十六歲好騎馬遨遊里巷過知舊輒據鞍索酒必傾盡欣然自

得又嘗乘羸牛車逢竣鹵簿卽屏住道側語竣曰平生不喜見要人今

不幸見汝竣起建大宅延之謂曰善爲之無令後人笑汝拙也

綸年考

白樂天詩五十八歸來今年六十六髮絲千萬白池草八九綠童稚盡成

人園林半喬木又七十欠四歲此生那足論每因悲物故還且喜身

存安得頭長黑爭教眼不昏交遊成拱木僕婢見曾孫瘦覺腰金重衰

添髮髮煩將何理老病應付與空門又睡適三尸性慵安五臟神無

憂亦無喜六十六年春

長慶集

白居易開成二年予春秋六十六瘠黑衰白老狀具矣而雙齒又墮慨然

感嘆者久之因爲齒落詞以自贖

自集

咸通中荆門有老書生年已六十六號唐五經學徒五百以束修自給優

游自適有西河濟南之風嘗謂人曰不肖子弟有三變第一變為蝗虫
謂蠶產而食也第二變為蠹魚謂蠶書而食也第三變為大蟲謂賣奴
婢而食也編年考

司馬溫公葬論曰今吾兄年七十九以列卿致仕吾年六十六忝脩侍從
宗族從仕者二十有三人視他人之謹用葬書者未必勝吾家也體詘
桂邁為學士嘗因事過其鄉民有訟田者二十年不決邁閱其牘問訟者
年幾何曰六十六邁曰爾齋券乃慶曆三年時方七歲安得妻財置產
訟者嘆服一統志

文彥博六十六歲以老求罷詔使相判河南封潞國公編年考

劉安世六十六歲為章惇蔡卞所惡謫嶺外人言春循梅新與死為隣高

竇雷化說着也怕八州惡地公歷其七蘇子瞻稱為鐵漢編年考

東坡云家有老人泉梅公作詩有歲月不知老家有雛鳳凰去為仲尼歎
出為盛時祥其遺門人歐陽梅夫詩曰我家無梧桐安得久棲鳳今悔
夫年六十六尚少余一歲然白髮蒼顏畧相似困窮亦不相遠遂相與

執手大笑曰聖俞所謂鳳者豈例皆窮如此乎本傳

黃山谷慧林冲禪師燒香頌西瞿耶尼開靜

北鬱單越受彌慧林也

唱雲門曲今年臘月六十六山谷集

陳俊卿字應求上召問曰卿言甚當朕若知之矣不容已既退上遣中使

賜金器犀帶香茶明日朝辭上曰卿遠來得相見氣貌不減往時今年
幾何矣對曰臣犬馬之齒六十有六上曰極清健可喜也朱子全集

楊萬里和淵明歸去來詞序余倦遊半生思歸不得紹興壬子余年六十

有六自江東漕司移病自免蒙恩守顓病不能赴因和歸去來詞以自

慰西江志

忠州太守王聖涂罷忠州春秋年六十有六將告老于朝而休于營邱以

書抵黔州告其同年生黃魯直曰營邱有叟將自此歸矣舍傍作二亭

以休餘日子爲我名魯直名其一曰休休上言事下言德也一曰冥鴻

言公自此去矰繳遠矣聖涂喜曰子盍爲我作歌山谷集

李延平先生年六十六朱文公來見先生于延平是年有與文公論春秋

論語答問又有答孟子放心夜氣之說年譜

林光朝石渠行別李著作器之我來石渠五十六雙髯如蓬腰未曲豈爲健筆有餘庾白數來時六十六艾軒詩鈔

魏觀字杞山蒲圻人元李隱居蒲山太祖下武昌聘授平江學正後入進太常卿翰林侍讀侍太子及諸王授經遷祭酒年六十有六矣以衰髯乞歸優膳于家既行復召還後命知蘇州列朝小傳

方振文字尚質累徵不就創思本橋以濟往來選聖賢格言一編名曰積善字訓爲月旦以春秋經遊郡庠年六十六永樂乙酉鄉試己丑中會試乙榜授教諭萬姓統譜

陳信字履信任蘇州通判有惠政正統十一年年六十又六乞歸致仕蘇之富人送重贐毫無所取而其家實貧郡人杜瑀有詩送之云人辭榮祿賦歸田又却蘇民餽錢一任此生貧到骨只留清節與人傳詩話李諫字格卿以鄉薦擢守四川叙州知州多善政六十六歲致政歸數椽破屋居之恬然絕交府縣足跡不出戶庭年七十七終編年考

方月旦字克正振文孫也以春秋經遊郡庠六十六中永樂乙酉鄉試己

丑中會試乙榜例授教職不就

萬姓統譜

天順十同年圖戶部右侍郎陳清年六十六

樵書

楊少保一清六十六歲宸濠變起公以鎮江為江南首都此地有備則三

吳無虞乃親閱城設險島築賑軍乃調金山鎮海官兵為外援設中軍

營為內應故城內外特以無恐

紹年考

荀綰字仲慈濟南相漢大夫璆之父年六十六

淵明集

公沙穆字文父為弘農令以身禱蝗螟蟲自銷人稱神明永壽元年霖雨

大水三輔高大不涇沒豫令百姓徙居高地弘農獨免年六十六卒

書

劉寬字文饒年六十六卒贈車騎將印綬位特進謚曰昭列侯

漢紀

王述字仲祖以年迫懸車上疏乞骸骨不許述竟不起年六十六卒

晉書

謝安字安石曰忽夢乘桓溫輿行十六里見一白雞而止乘溫輿者代其位也十六里止今十六年矣白雞王西今大歲在酉吾病歿不起乎尋

薨年六十六謚曰文靖

晉書

杜夷字行齋晉元帝立除國子祭酒皇太子三至夷家執經問義國有大故必就咨訪年六十六卒

唐詩鼓吹

崔玄亮字晦叔累官至禮部尚書遺直遺愛公兼有焉將終戒諸子書吾年六十六不爲無壽官至三品不爲不達死生分定何足過哀

自集

李光顏葛丹少教以騎射每嘆其天資稟健已所不逮從河東軍爲裨將節度馬燧謂曰若有奇相終必光大解所佩劍贈之累功至平章事卒年六十六贈太尉謚曰忠

宋祁唐書

楊嗣復字繼之卒年六十六贈尚書僕射謚曰孝穆

宋祁唐書

魏謩字申之徵五世孫宣宗嘗曰謩名臣孫有祖風朕心憚之卒年六十

六贈司徒

唐書

錢元懿終年六十六初元懿之爲新定也有士方生時號爲龜精嘗疏卜

辭以贈元懿曰太乙接天河金華寶貝多君年六十六別處下經過至是皆如其言

吳越倫史

呂端字易直太宗大漸王繼恩忌太子英明陰與李昌齡胡旦等謀立楚王元佐既崩后命繼恩召端端知有變鎖繼恩于閣內使人守之而入后問所應立曰先帝建儲正謂今日豈可有異議耶乃奉太子至福寧庭中真宗既立垂簾引見羣臣端平立不拜請卷簾審視然後降階率羣臣呼萬歲累官至右僕射被疾罷為太子太保車駕臨問薨年六十六贈司空謚正惠

引簡錄

劉沆字冲之卒年六十六仁宗作挽言賜其家又篆其碑額曰思賢

隆平

范仲溫字伯玉知貴巖縣制撫按察交章薦之府君曰吾樂矣何用官為遂請老顧隣里鄉黨有急難則竭力以濟之卒年六十有六中外宗親莫不過哀里人無老少皆涕下其遺愛感人如是之深

范文正公集

歐陽修年六十六卒贈太師謚文忠蘇子瞻祭文曰公之于世六十有六年民有父母國有寶龜斯文有傳學者有師君子有所恃而不恐小人

有所畏而不為

本集

徐明復年六十六卒

歐陽公集

新譜卷之六

六十六歲

四

蘇子瞻年六十六卒上讀其文贈太師謚文忠

本傳

洪興祖字慶善卒年六十六平生好古博學自少至老未嘗一日去書齋

錄

呂垠縉雲人好學至老不輟任建平丞有德政六十六值父喪時方近寒水漿不入口赤足履地四日而病六日而亡傷生滅性賢者之過也

府志

蔡清字介夫號虛齋晉江人成化丁酉鄉薦第一甲辰進士提督學校以理學淑士類因出所作易及四書蒙引授學者四方咸宗師之忤寧王引疾歸正德初年起爲國子祭酒命及門而卒年六十六

類書

胡鐸字時振以易領浙江鄉薦第一弘治乙丑進士給事中忤逆瑾出爲

河東運使累官至順天府尹諸書各有辨正卒年六十六

類書

歸有光字熙甫年六十六卒

列朝小傳

六十七歲

公孫弘六十七歲復召以賢良對策第一拜為博士待詔金馬門復上疏
言周公治天下之道善順上旨非復不合意矣編年考

馬良六十七歲東度入山編年考

疏廣字仲康元康中告退年六十七陶淵明集

北魏胡叟年六十七不治產業饋遺亦不受因謂高允曰吳鄭之

紆為美吾之與子以韋絃為贊以此較彼可無愧也編年考

庾信自梁朝筮仕周世馳驅至今歲在屠維龍居淵獻春秋六十七齒

雖耆宿文更新奇才子詞人莫不師教王公名貴盡為虛房

李衡字彥平六十七歲仕尚書郎威遠將軍每欲治家妻不聽也道

十人于武陵龍陽洲上作宅種柑橘千樹終時戒其子曰汝等治

家故貧如是然吾洲里有千頭木奴不責汝衣食歲上干疋足用

矣后白母曰此當是稱柑橘也汝家失十戶人七八年必汝父為宅

后果柑橘成得綈數千疋家以殷富編年考

薛仁貴六十七歲擊突厥于雲川問唐將爲誰曰薛仁貴突厥曰吾聞仁貴流合州死矣安得復生仁貴脫釜見之相顧失色遂下馬羅拜而降

編年考

裴度字中立河中人貞元初進士第及相四朝年六十七封晉國公因闢豎擅威力請罷治第集賢里建綠野堂日與白居易劉禹錫文酒相歡不問戶外事每使臣自洛來上必問度安否後臨病謂門人曰吾無所繫但午橋莊松雲嶺未成軟碧池繡魚尾未長漢書未終篇爲恨耳

考

白居易詩共把十千活一斗相看七十欠三年間徵雅令窮經史醉聽清吟勝管絃又醉吟先生傳云開成三年先生之齒六十有七鬚盡白髮半禿齒雙缺而觴味之興猶未衰

文苑英華

趙普六十七歲再入相與呂蒙正同平章事太宗諭普曰卿勿面從古人耻其君不如堯舜卿其念哉普嘗謂帝曰臣有論語一部以半部佐太祖定天下以半部佐陛下致太平

編年考

呂夷簡六十七歲乃以太尉致仕

編年考

楊時歷瀏陽餘杭蕭山三縣皆有惠政民思之不忘而德望日重四方之

士不遠千里從之遊號龜山先生年六十七會路久延自高麗還言高

麗國王問龜山先生安在帝乃召為秘書郎

編年考

蘇轍詩年更六十七旬滿三百六

子由集

徐師開年一徙熙寧中知袁州有瑞麥嘉禾之異繪圖以進為治鎮靜有

惠愛吏民為立祠以中散大夫普寧縣侯致仕年六十七有以黃白術

傳者問問能久乎曰五十年乃變耳師閔曰吾生平不妄語若欺

人于五十年後豈吾心哉歸里中與元絳程師孟輩以詩酒為娛號十

老蘇州府志

馬光祖乞西京留臺狀伏念臣雖至愚粗嘗從學平生所守不敢妄信

雖遇布衣未嘗妄語况于朝廷豈敢欺罔臣今年六十有七耳目手足

雖未全衰數年以來昏忘特甚使之臨煩處劇實所不堪非敢愛身必

恐敗事溫公

又溫公與范忠宣一通書中有閑居十五年之言公蓋

已六十有七是時新法盛行小人附和者衆公度不可止故有更求一任散官守侯七十卽如禮致仕之言

宋學士集

尹焞除秘書郎六十七矣次年除秘書少卿以病求去不許賜緋衣銀魚象笏與御府珍玩之物先生益衰且益求去九月除太常少卿十一月除權侍郎兼侍讀十二月除徽猷閣待制兼侍講先生曰病不能朝矣而寵祿日至何功德以當之上章十餘不已朝廷哀其病且老始以待制提舉江州太平觀而去

淵源錄

紹興己卯李延平六十七歲有與朱文公兩書

年譜

范石湖次養正元日六詩云歲踰耳順俄七年去古稀只三從今蓮葉巢

隱誰在槐柯戰酣臍下丹田休想口邊白醜罷叅渴飲飢餐困睡是名

直學瞿聃

自注養正詩云流年五十踰二明

陳俊卿居外積年眷禮彌厚歲時錫餐存問不絕年六十七卽告老于朝

上所以留之甚至且屢稱其忠誠不欺爲當今賢相

朱子全集

孔思晦字明道孔子五十四世孫也年六十七生之日有鶴百餘翔其屋

上又見神光自東南落其舍北尋卒

史異

單安仁字德夫鳳陽人少爲府吏晝夜以洗冤釋物爲事至正間率部曲歸明太祖累至工部尚書安仁宅心中正能聲彰聞年已六十有七自以精力衰孱致其事上憫其勞贈田三千畝牛七十角仍給尚書半祿養其終身

椽曹名臣錄

趙文敏公所書度人經公自承旨翰林告歸夫人薨于臨清明年庚申公爲書是經年已六十七觀其天机逸發出入右軍大令間實爲晚年妙筆區區小夫惟見公蚤歲書槩以插花美人爲病使其觀此必將吐舌而走矣

宋文憲公集

黃潛字晉卿義烏人提學江浙儒學每月俸不給恒鬻產以佐其費年六十七亟請納祿歸俄除翰林直學士兼經筵官多切直帝嘉其忠累乞休不俟報竟去帝遣使追還復留爲前官未幾謝病歸卒年八十一

續簡錄

張誥字汝欽華亭人成化丙戌進士歷官副都御史撫雲南平疑獄諭亂

夷得撫綏體地方飢常發庫銀易米得數十餘萬石隨在賑貸所全活頗多木邦孟密二部連兵不解詰檄諸道練兵爲必計計皆懼而自戢朝廷嘉其功厚賞六十七歲以老乞歸家居教訓子弟賑恤貧乏年七十九終

編年考

謝士元字仲仁登進士授主事上疏陳四弊爲尚書年公富所器許事有涉中官者擢建昌知府民爲立生祠公撤毀之公以憂去後復立年六十七以疾乞致仕又三十年而卒

謙齋文集

天順十同年圖左都御史戴珊年六十七

樵書

魯鐸字振之景陵人弘治進士授翰林歷官祭酒端飭自厲日危坐焚香讀五經四書不肯言人短長及時政得失虛心約已清慎不渝屢請告屢起屢歸六十七歲值世宗入繼大統廷臣交薦不起羣情向慕益兢持名節卒謚文恪

編年考

海寧羅石董公灃字復宗厲隱操有志正學行義多可稱其兄貧卽割己產周之友人鄔魯以田來質魯疾革出券毀焉且爲經理喪葬年六十

七聞王陽明之學負笈走遊其門得聞良知之說幡然改曰不如此得
稱爲人乎悚然就弟子之列人問之則曰從吾所好耳更號從吾道人

子穀舉于鄉欲授校官爲養公止之期以大就

閱文振仰山歷錄

荀淑字季和出補郎陵侯相蒞事明理號爲神君頃之棄官歸閑居養志

產業每增輒以贍宗族知友年六十七卒李膺時爲尚書自表師辰二

縣皆爲立祠有子八人時號八龍

後漢書

胡瑗字翼之少與孫明復石守道同讀書泰山十年不歸景祐初范仲淹

知蘇州延請瑗教授仲淹入朝薦其通知古樂召對崇政殿授秘書年

六十七卒于杭人稱安定先生

揚州府志

崔遵度字堅白仁宗開壽春王府詔擇耆德拜遵度爲王友賜金紫作七

言詩寵之詔賓友之禮令王答拜府中文翰皆遵度所作授王孝經上

復以御詩賜之卒年六十七官其子二人

宋書文翰傳

王珪字禹玉琪弟弱歲出語驚人珪讀其賦曰騏驎方生已有千里之志

但蘭筋未就耳舉進士累叅知政事神宗有疾珪白皇太后請立延安

郡王爲太子是爲哲宗封岐國公卒年六十七廬州府志

程俱字致道以外祖鄧潤甫恩補官上書論紹述罷歸紹興初爲秘書少
監時庶事草創俱據三館舊聞爲書曰麟臺故事上之擢中書舍人卒
年六十七著有北山集

北山集

邵堯夫自號安樂先生熙寧中憂感微疾七月十四日作詩曰生于太平

世死于太平世客問年幾何六十有七歲俯仰天地間浩然獨無愧是
夜五更捐館

又首尾吟曰六十七年無事客堯夫不是愛吟詩

陳傅良字君舉以寶謨閣待制致仕終于家年六十七謚文節著有詩解

周禮說左氏章指行世

宋書道學傳

羅可沙陽之碩儒也性度寬弘詞學瞻麗鄉人共以師禮事焉人有竊刈

其蔬者可適見伏草間避之以俟其去又有人攘殺其雞者可乃携壺
就之其人慚服可曰與子幸同里不能以待我誠自愧乃設席呼其妻

孥環坐盡醉而歸終不以語人人相誠無犯年六十七而終

遷齋聞覽

俞允文字仲蔚崑山人文待詔王弇州折節相友善晚歲詞翰尤工乞者

六十八歲

孔子六十八歲魯以聘迎孔子遂自衛反魯不仕乃序書傳禮刪訂正樂

贊易修春秋家譜

漢武帝六十八歲始知往日之非而有輪臺之悔悉改其過可謂帝王處

仁遷義之法秦穆公不得專美于前矣編年考

袁固六十八歲孝景徵為博士與黃生爭論而辨湯武無殺君之心非清

河太守編年考

平當以丞相關內侯病免平六十八使使者召當當不應召室家勸當起

受侯為子孫計當曰吾居大位已負素餐之誚若封侯印還卧而死死

有餘罪今不起者所以為子孫也上書乞骸骨上使尚書令賜牛牛尊

酒喻意堅卧不起後子晏以明經官司徒封防鄉侯父子皆至宰相編年考

考

徐宣字寶堅魏文帝封津陽亭侯三百戶年六十八固辭疾遜位又本傳

載六七十有懸車之禮今六十有八可以去矣三國志

周盤龍六十八歲以大司馬進爵侯乞病解職武帝戲之曰卽着貂蟬何

如髡髻也龍曰此貂蟬從髡髻來大千生鑑

李泌六十八歲同平章事上重任之上適有廢立之意泌曲爲正之旣而

流涕曰非卿切言朕悔無及矣泌拜賀因乞骸骨歸上慰諭不許編年

白樂天開元己未余年六十有八今十月得風痺之疾蓋老病相乘時而

至耳詩曰六十八歲翁乘衰百疾攻朽株難免蠹空穴易來風肘痺宜

生柳頭旋遽轉蓬恬然不動處虛白在胸中 又春日閑居 又問年

幾何七十行欠二又問俸厚薄百千隨月至所得皆過望省躬良可愧

馬閒無羈伴鶴老有祿位設自爲化工優饒只如是安得不歌詠默默

受天賜長慶集

齊己寄無願上人詩六十八去七十歲與師年豈不爭多誰言先死無消

處還有修行那得何閑士安能窮好惡故人堪憶舊經過全唐詩

楊玄同老于貢場六十八歲卜兆前途夢龍六足及見榜名在第六編年

呂詢年六十八而致仕綱鑑

接踵奔州曰以文徵者月至以詩徵者日至以字徵者刻至都玄敬曰
崑山蓋有三絕仲蔚詩熙甫文張子賓舉業又何所用吾手哉卒年六
十七有集若干卷

蘇州府志

祝允明六十七卒

吳京

十十清集卷十

蘇軾

皇山蓋有三餘中讀詩與南文起于寶舉樂又同退凡吾年始卒平六
對觀食飲日以文燭香月至以精燭香日以至以字燭香以至燭之燭日

六十八歲

孔子六十八歲魯以聘迎孔子遂自衛反魯不仕乃序書傳禮刪詩正樂

贊易修春秋家譜

漢武帝六十八歲始知往日之非而有輪臺之悔悉改其過可謂帝王處

仁遷義之法秦穆公不得專美于前矣

編年考

袁固六十八歲孝景徵為博士與黃生爭論而辨湯武無殺君之心非清

河太守

編年考

平當以丞相關內侯病免平六十八使使者召當當不應召室家勸當起

受侯為子孫計當曰吾居大位已負素餐之請若封侯即還卧而死死

有餘罪今不起者所以為子孫也上書乞骸骨上使尚書令賜牛牛尊

酒喻意堅卧不起後子晏以明經官司徒封防鄉侯父子皆至宰相

考

徐宣字寶堅魏文帝封津陽亭侯三百戶年六十八固辭疾遜位又本傳

載六七十有懸車之禮今六十有八可以去矣

三國志

周盤龍六十八歲以大司馬進爵侯乞病解職武帝戲之曰卽着貂蟬何

如兜鍪也龍曰此貂蟬從兜鍪來大千生鑑

李泌六十八歲同平章事上重任之上適有廢立之意泌曲為正之既而

流涕曰非卿切言朕悔無及矣泌拜賀因乞骸骨歸上慰諭不許編年

白樂天開元己未余年六十有八今十月得風痺之疾蓋老病相乘時而

至耳詩曰六十八歲翁乘衰百疾攻朽株難免蠹空穴易來風肘痺宜

生柳頭旋遽轉蓬恬然不動處虛白在胸中 又春日閑居 又問年

幾何七十行欠二又問俸厚薄百千隨月至所得皆過望省躬良可愧

馬閒無羈伴鶴老有祿位設自為化工優饒只如是安得不歌詠默默

受天賜長慶集

齊己寄無願上人詩六十八去七十歲與師年鬢不爭多誰言先死無消

處還有修行那得何間士安能窮好惡故人堪憶舊經過全唐詩

楊玄同老于貢場六十八歲卜兆前途夢龍六足及見榜名在第六編年

呂詢年六十八而致仕綱鑑

梁寅江右吳夫子玉堂告老歸臨川行年六十又加入志如伯玉恒有譽
西江志

趙文肅公貞吉立朝剛忠英偉以劾高拱父子奸狀卽謝政告歸六十八
歲會穆宗大漸遂杜門作內外篇經世出世二通之書數百卷遺諸門
人及爲文祭諸聖賢告始事其畧曰身居臣子之地每懷經世之憂心
慕道德之門時發出世之願邇來垂白謝事忽生勇猛乃取舊書以類
牘列隨文點布各就部曲約要而言經世者不外出世之體出世者不
外經世之用然後千聖一心萬古一道聖人憂世之念可少慰矣編年
海寧董羅石者年六十有八矣以能詩聞江湖間與其鄉之業詩者十數
輩爲詩社旦夕操紙吟哦相與求句字之工至忘寢食遺生業時俗共
笑之不顧以爲天下之至樂矣王守仁從吾道人說

龔舍字君情舍既終不肯起乃遣歸舍亦通五經以魯詩教授郡二千石
長吏皆至其家如師弟之禮舍年六十八卒漢書

諸葛璉字子瑜少以至孝稱累遷豫州牧年六十八卒吳書

張九齡以直道黜不戚戚嬰望惟以文史自娛卒年六十八贈荊州都督

謚曰文

唐書

韓休峭鯁時政所得失言之必盡帝嘗獵或張樂稍過必視左右曰韓休知否已而疏輒至以工部尚書遷太子少師封宜陽子卒年六十八謚文忠

唐書

貞元四年八月月蝕東壁李泌曰東壁圖書府大臣當有憂者吾以宰相兼學士當之矣昔燕國公張說由是以亡又可免乎明年果卒年六十八

唐書

畢士安字仁叟拜同平章事監修國史十月晨朝至殿廬疾作上步視已不能言輿歸薨年六十八上語輔臣善人淪沒深可悼惜駕臨發哀廢

朝贈中書令謚文簡

弘簡錄

司馬溫公年六十八卒贈太師謚文正人稱涑水先生

長公集

王荊公卒年六十八贈太師謚曰文

本傳

韓琦字稚圭輔三朝立二帝央大策安社稷制西夏出將入相卒年六十

八大星隕于治所歷馬皆驚謚忠獻

安陽詩集

洪皓字光弼政和進士宣和六年擢徽猷待制假禮書使金國不屈節紹

興十年始歸薨于南雍年六十八贈太師謚忠宣

名臣言行錄

陳時翼字勤道家貧授徒或累月食無鹽不妄交接邑令念其貧請作平

政橋記欲因此餽之時翼曰勿污我絕不與通晚爲始興尉單騎入城

屢論化盜賊爲良民下不敢欺紹興七年卽沐浴更衣趺坐而逝卒年

六十八鄧輈爲立卓行傳

萬姓統譜

元好問中第歷行尚書省左司員外郎金亡不仕年六十八卒金史本其

所著

五朝詩選

慧洪字子範臨終說偈曰六十春光又八年浮雲收盡露青天臨行踢倒

須彌去後夜山頭月正圓更衣坐化

清涼山志

許謙字益之受業于金仁山先是北山何基得朱子之傳于黃勉齋而魯

齋王柏又師友于北山仁山則學于魯齋而登何氏之門者也學者推

原統緒以三先生爲朱子之世適而文懿實任其傳謙不出里閭者四

十年四方之士以不及門爲耻至元三年卒年六十八賜諡文懿伯雲生

顧鼎臣字九和弘治乙丑狀元累至太子太傅少保武英殿大學士年六

十有八卒賜葬祭贈太保諡文康

蘇州府志

湯顯祖字義仍里居二十年六十餘始喪其父母既葬病卒自爲祭文遺

令用麻衣冠草履以歛年六十有八

臨川集

張吉字克濟成化進士除主事時李孜省僧繼曉皆以妖術得寵先生上

疏斥指二人之罪邪黨切齒貶爲景東府通判夷人馴服累官至廣西

布政以忤權奸降兩浙鹽道又陞布政以疾乞休卒年六十八所著有

古城集貞觀小斷學術訂疑

類書

高友璣樂清人安重有操軌不避權倖屢蹶不挫致仕家居故廬布衣蔬

食終其身年六十八卒贈太子少保諡公簡

獻章錄

六十九歲

龔勝與龔舍年俱六十九並著名節通經術徵召不起世稱三楚兩龔考

王祥字休徵年六十九天子幸太學拜祥爲三老祥南面几杖以師道自居天子北面乞言祥陳明聖君臣教化之異以訓之初呂虔有佩刀工相之以爲必登三公可服此刀虔謂祥曰苟非其人刀或爲害卿有公輔之望故以贈後祥臨終復以刀授弟覽曰汝後必興足稱此刀也考

蠕蠕主阿那瓌犯塞詔李崇以本官都督北討諸軍事以討之崇辭于顯陽殿戎服武飭志氣顯揚時年六十九幹畧如少者帝曰而壯之朝臣咸稱善淵鑑類函

薛元超太宗時爲太子舍人高宗卽位召爲給事時年六十九帝曰昔在春宮與卿俱少壯倏忽已三十年與卿回首相見歷觀書傳與共白首者幾矣編年考

狄梁公仁傑六十九歲同平章事時武承嗣營求爲太子傑從容言于武
后曰文皇帝櫛風沐雨親冒鋒鏑以定天下傳之子孫天帝以太子托
陛下陛下今乃欲移之他族無乃非天意乎且姑姪與子母孰親陛下
立子則千秋萬歲後配食太廟承繼無窮立姪則未聞姪爲天子而祔
姑于廟者也后曰此朕家事卿勿預知傑曰王者以四海爲家况元首
股肱義同一體臣脩位宰相豈得有所不預知乎因勸后召還廬陵王
編年考

郭子儀六十九歲屯兵涇陽使牙將李光瓚說回紇共擊吐蕃回紇不信
曰郭公固在此乎汝給我耳若果在此可得見乎瓚還報子儀子儀立
于陳前免胄釋甲投鎗而進回紇諸酋皆下馬羅拜子儀遂入酋帳執
酒爲誓約而後返
編年考

白樂天詩且喜開年滿七十莫嫌疾病莫嫌貧 又石盆泉畔石樓臺十
二年來盡夜遊更過今年年七十假如無病亦宜休
長慶集
孫奭嘗語人曰吾仕已逾素望禮經大夫七十致仕吾年及是則請老矣

年且六十有九其年冬門人郭鎮章疏三通引年天子不許詔斷來章

但錄文集

范純仁字堯夫吳縣人年六十九以章惇用事堅請就貶永州安置怡然

就道編年考

呂公著六十九歲爲尚書左丞與司馬光同心輔政上十事曰畏天愛民修身講學任賢納諫薄歛省刑去奢無逸凡欲革而未定者一一舉行之民歡呼稱便鼓舞載道

編年考

東坡再謫惠州日與一老舉人年六十九爲隣其妻三十歲生子爲具邀公公欣然往酒酣乞詩公戲贈一聯云聖善方當而立歲頑尊已及古

稀年侯鯖錄

陸放翁年四十六入峽忽復二十三年感懷賦長句旃

當年吊古巴

東峽雪酒扁舟見早梅宋玉宅邊新美酒巫山廟下暮猿哀

本集

陳恭公執中字昭譽罷政判亳州年六十九遇生日親戚多獻老人星圖姪世修獨獻范蠡遊五湖圖且贊曰賢哉陶朱霸越平吳名還身退扁

舟五湖公即日納節乞致仕

倦遊錄

李椿年六十九卽上章請老上初惜其去三請乃許以敷文閣待制致仕

朱子全集

唐汝舟字濟民歸潞城以其一子出贅其隣悉以家財散之廬山諸庵寺而與妻張傳食其間諸庵寺歲不過一再至又輒他徙衣不加綴浣莫測其所以度寒暑也年六十九上下山嶮甚駛不知所之

廬山記

紹興辛巳李延平先生六十九歲上元日與文公書答問五條又答問二條三則

年譜

孝宗淳熙二十年十二月以太上皇來年聖壽七十類詔于立春日詣德壽宮行慶壽禮開宴凌虛閣下

宋志

宗澤字汝霖六十九歲上疏力阻和議初澤嘗知相州時太原失守官兩河者率托故不行澤曰食祿而避難不可卽日就道繕城濬隍募義勇撫瘡痍金人不敢犯境適有河東巨寇土善擁衆七十萬澤單騎至其營立謂之曰朝廷當危難之時使有如公一二輩豈復有敵患乎今日

乃汝立功之秋不可失也善感泣曰敢不効力遂解甲降

編年考

熹衰朽疾病更無疾痛之日明年便七十矣區區僞學亦隨分得力但恐

文字不能詳了爲千載之恨耳

銖子

又與黃子耕書伏枕月餘自分

必死入夏以來却稍輕減但今餘證往來頗亦費事明年便當七十據理而論亦合衰殘無足深嘆也

江萬里六十九歲參知政事性峭直臨事不能無言是時賈似道以辭職

要君帝至涕泗拜留之萬里以身掖帝云自古無此君臣禮陛下不可

拜似道不可復言去于是似道忌之萬里亦乞罷出知潭州

編年考

汪廷美婺源人孝友純至義居數十年聚族衆二百口旦夕食必同席有

未至者不敢先里人有竊其鷺問之曰夏至將以祭先彼窮乃有孝心

助以魚酒又有從質麥種者過期給言種敗無收廷美還其質更遺麥

三石以償其費子姪諸孫有過未嘗形諸言但訓以自昔興替之事家

嘗有抵罪匿者吏以爲當坐家長廷美時年六十九或言稱七十宜免

廷美曰吾已失訓又增年以免罪是誣官也不可會有赦遂免郡守欲

奏表門閭力辭之萬姓譜

戶部尚書翁公年六十有九嘆曰年至矣復具疏脩述宜去狀詞愈切疏

三入乃許之

李西涯送翁公致政序

天順十同年圖禮部右侍郎謝鐸吏部左侍郎焦芳年六十九

樵書

沈霽字子公松江人幼穎雋夏太常寅一見竒之以女妻焉登正德辛未

進士歷官廣東道御史指摘奸倖不避權貴世宗御極復條對數千言

切中時務轉遷福建海道副使改貴州兵備臨行僅行李一肩至貴有

夷寇作亂計擒之撫按交章薦時年六十九遂引疾乞休嘉其恬退加

叅政致仕歸日惟閉門讀書究心道學未嘗一入郡邑勅賜建坊曰冰

清玉潔壽八十五無疾而終

編年考

顏中孚字伯誠仕江西副使六十九歲致仕歸初中孚少患危症感異夢

得生至是歲復有所遇遂飄然返初服居扁其居曰逸老堂自號懶真

子息交遊垂三十年八十九終

編年考

陳廉夫陞南京兵部尚書諸同年在朝者五人各賦詩一首為贈公以明

年丁卯壽躋七十遠弗及賀則預爲致之

西涯集

孔子六十九而聖嗣伯魚卒

關里志

鍾皓字季明少以篤行稱以詩律教授門徒千餘人李膺曰鍾君至德可

師年六十九終于家諸儒頌之曰材慮懿德非禮不處悅此詩書絃琴

樂古五就州辟九膺台輔逡巡王命卒歲容與皓孫毓

後漢書

范平字子安吳臨海太守有異能吳平太康中頻徵不起年六十九卒有

詔追謚文貞先生賀循勒碑紀

晉書

宗炳字少文結茅衡山欲懷尚平之志凡所遊履皆圖之于室謂人曰撫

琴動操欲令衆山皆響卒年六十九

宋書隱逸傳

魏和古累官至黃門監紫微令卒年六十九宋璟嘆曰叔向古遺直子產

古遺愛兼之者其魏公平贈幽州都督謚曰忠

唐書

李珣字待價卒年六十九贈司空謚貞穆

唐書

牛僧孺以少師卒年六十九贈大尉謚文簡

宋初唐書

曹彬爲神武將軍伐蜀克成都薨年六十九真宗臨哭之追封濟陽郡王

王全斌授武寧軍節度使仍賜金銀錢帛數月卒六十九贈中書令
楊礪字汝礪周世宗節制澶州贊文見之館接數日退處僧舍夢一古衣
冠人引至一宮衛王者秉珪南向礪升謁之前有案置簿錄人姓名礪
見已名居首因請示休咎王者曰我非汝主來和天尊異日汝主也當
問之傍一人笑曰此去四十年汝功成予名亦顯矣礪寤而志之建隆
中進士第一端拱初真宗在襄邸受命謁見襄王藩府儀貌即夢中所
見來和天尊也真宗尹開封擢爲推官儲宮建兼諭德咸平初拜工部
侍郎樞密副使卒年六十九上痛悼即冒雨臨其喪廢朝贈尚書
鮮于侁字子駿卒年六十九累勲上柱國清源縣男公忠亮果斷出自天
性數上書言天下事咸具利害爲政以經術自輔所至有跡其去民追
思之秦少游鮮于公行狀

今年三月有書吏陳昱暴死三日而蘇初見壁有孔有人自孔擲一物至
地化爲人乃其亡姊也自孔中出曰冥吏追汝至冥已而冥官則陳襄

述古也問昱何故殺乳母昱曰無之呼乳母至血被面抱嬰兒熟視昱曰非此人也乃門下吏陳周官遂放還又檢已籍令視之年六十九官左班殿直以平生不燒香故不甚壽既蘇周果死蘇軾仇池筆記

王及字達之乾道進士授會稽尉入爲太學博士兩當班對所言皆切治體見諸施用請外補守信州卒年六十九每得人片言隻字品裁曰藥

龍 浙江通志

莫月鼎名起炎幼習舉子業三試有司不利更號月鼎入青城山見徐無極授五雷法用是召雨破魅動無不驗雖嬉笑怒罵皆若有神元世祖求異人于江南得之寶壽山卒年六十九宋濂爲之傳萬姓譜

通和尚住持甘泉一日謂衆曰人生百歲七十者稀吾已六十有九矣泰續祖道至于今日時宜勤願世以示無常怡然而化茶毗曰頗多異相盤山志

趙孟頫卒年六十九追封魏國公謚文敏子昂以書法稱雄一世畫入神品四方萬里重其詩文者所至車馬填咽自號松雪道人元詩選序

林景昭字德陽宋亡不仕客于會稽王修竹英孫之家會楊璉真御發宋陵英孫使客收其棄骨景昭得高孝兩函與唐珏所收者葬于蘭亭
冬青以識庚戌卒于家年六十九所居在白石港詩六卷曰白石樵唱
白石樵唱

環谷先生汪克寬字德輔一字仲裕居環谷召修元史固辭不仕卒年六

十九

事文類聚

沈愚字通理承父方家學以能詩名與劉溥諸人稱十才子善行草曉音律傳播人口或勸之仕不答雪夜詩云瓦鑪溫酒夜燈前紙帳梅花伴
鶴眠不似玉堂金馬客五更風雪去朝天其志輒可見矣年六十九卒
蘇州府志

沈貞字貞吉沈恒字恒吉皆善詩兄弟自相唱酬下至童僕皆諳文墨貞
吉年八十餘恒吉年六十九恒吉石田之父也
列朝小傳

六十餘歲

酈生食其陳留高陽人沛公麾下騎士酈生里中人也酈生謂騎士若見

沛公謂曰臣里中有酈生年六十餘長八尺人皆謂之狂生生謂我非

狂生沛公果召酈生

史記

董仲舒年至六十餘不窺萊園

桓譚新論

桓榮字春卿少習歐陽尚書事博士朱晉貧困無資常客傭以自給精力

不倦十五年不窺園建武間年六十餘始辟大司徒府

范曄後漢書

漢獻帝詔曰今者儒年逾六十去離本土白首空歸永絕榮望朕甚憫焉

其依科罷者聽為太子舍人時京師謠曰頭白皓然食不克糧褻衣褰

裳當還故鄉聖主愍念悉用補郎舍是布衣服彼玄黃

事文類聚

沐並字德信其名流布播于異域華髮不知者以為前世人也為濟陽太

守召還拜議郎年六十餘自慮身無常置作書戒子雲儼等

魏畧

荀顗年踰耳順而母年九十色養烝烝以孝聞當時在喪顗頓貌不可識

裴啟語林

張華聞雷煥妙達象緯張華要煥登樓仰觀煥曰僕察之久矣惟斗牛之間頗有異氣華曰是何祥也煥曰寶劍之精上徹中天耳華曰君言得之吾少時有相者言吾出六十位登三事當得寶劍佩之斯言豈效歟

因問曰在何郡曰在豐城華曰屈君為宰密共尋之

晉書

桓溫上疏曰王濬今有二孫年出六十室如懸磬餬口江濱四節蒸嘗菜

羹不給卒不見省

晉書

顧粲字正禮清介有奇操為廷尉時衣單薄蔡子度欲以衣與之不敢發曰其少時聘舅女未成婚而母亡免喪後不復娶至六十餘一作六此女猶未他適協義而迎之卒無嗣

輿志

劉弘為荊州嘗夜起聞城上持更者嘆聲甚苦呼省之年過六十羸瘦無補弘責主者仍給韋袍複帽也

晉書

楊播字元慶兄弟相事有如父子旦則聚于廳堂播年老津椿年過六十並登台鼎而津常旦暮參問播出津不先飯播還然後共食津親授匙箸味皆先嘗命食然後食

魏書

朱伺字仲文安陵人杜曾遣人說伺云馬儁等感卿恩妻孥得活盡以卿家外百口付儁儁已盡心收視卿可來也伺曰賊無白首者今吾年六十餘不能復與卿作賊吾死當歸南妻子付汝乃還甌山

晉書

杜弘仕慕容德爲從事中郎德遣弘至長安詢問母兄弘曰臣至長安奉太后以死爲效但臣父雄今年踰六十未沾榮貴乞本縣之祿以申烏鳥之情德以雄爲平原令

十六國春秋

虞玩之上表曰不謀巧宦而位至九卿德慙李陵而泰居門下堯舜之世無窮臣臣亦通矣年過六十不爲天矣榮期之三樂東平之一善臣俱盡之矣

南齊書

達奚武以太保爲同州刺史時早武祀華山廟岳旣高峻人跡罕通武年逾六十攀藤而上晚不得還于岳上藉草而宿夢一白衣執武手曰辛苦甚相嘉尚武覺旦而謝雨

事文類聚

會昌五年三月二十四日胡吉劉鄭盧張等六賢皆多年壽予亦次焉于東都樊居履道坊合尚齒之會七老相顧旣醉且歡靜而思之此會希

有因各賦詩以記之其夏又有二老年貌絕倫亦來斯會續命貫姓名

年齒寫形圖右仍贈一絕云雪作鬚眉荷作衣遼東華表暮雙歸當時

二鶴尤希有何况今逢兩令威會中遺老李元爽年一百三十又秘

書狄兼謨河南尹盧貞以年未及七十雖與會而不及列事文類叙

毛若虛太平人眉長露曰性殘鷺天寶末為武功丞年六十餘肅宗還京

師擢監察御史唐書酷吏傳

張籍曰有于嵩者少依張巡及巡起事嵩常在圍中籍大曆中于和州見

嵩嵩年六十餘矣言巡好學無所不讀書不過三徧終身不忘也韓愈

承傳后序

張籍贈令狐巨源學士頭白新年六十餘近聞生計轉空虛久為博士誰

能識自到長安賃舍居騎馬出隨尋寺客呼兒教寫乞錢書古來賢哲

皆如此應是才高與眾疎全唐詩

白樂天詩今日行年將六十猶雖慙愧病來逢 又位逾三品日年過六

旬時不道官班下其如筋力衰猶憐風景好轉重舊親知少壯難重得

歡娛且強爲興來池上酌醉出袖中詩

本集

柳登字成伯少嗜學與弟冕咸以該博著稱年六十餘方從宦遊累遷至

膳部郎中與許孟容等七人刪定開元已後敕格再遷散騎常侍致仕

卒年九十餘贈工部尚書

唐書

梁臺年過六十猶能披甲跨馬足不躡鐙

前府

唐天祐三年拾遺程撰進狀以堂叔母在濟源抱疾無兄弟奉養兼以年

將七十地絕百里朝視膳藥不遑曉夕遂乞假躬往侍疾勅旨依允時

人義之曰進福而享義名亦智也

北齊瑣言

范文正公在杭州時子弟以公有退志棄閒請治地洛陽村園以爲逸老地

公曰人苟有道義之樂形骸可外况吾屋也今吾年踰六十來日無幾

乃謀治地村園顧何時而居之乎吾之所患在位高而難退不患退而

無居也

讀書鏡

司馬光著英會序昔白樂天在洛與高年者八人游時人慕之圖傳於世

宋興洛中諸公繼而爲之者再矣皆圖形普明僧舍樂天之故第也元

豐中潞國文公留守西郡韓國富公致政在里第皆自逸於洛者潞國
謂韓國公曰凡所爲慕於樂天者以其志趣高逸也奚必文與地之襲
焉一日悉集士大夫老而賢者於韓之第買酒相樂賓主凡十有二人
圖形妙覺僧舍時人謂之洛陽耆英會孔子曰好賢如衣取其敝又
改爲樂善無厭也二公寅亮三朝爲國元老入替萬機出撫四方上則
固社稷尊宗廟下則熙百工和萬民爲天子腹心股肱耳目天下所取
安所取平其勲業閎大顯融豈樂天所能庶幾猶慕効樂天所爲汲汲
如恐不及豈非樂善無厭者歟又洛中舊俗燕私相聚尚齒不尚官自
樂天之會已然矣是日復行之斯乃風化之本可頌也宣徽王公方留守
北都聞之以書請於潞公曰亦家洛位與年不居數客之後顧以官守
不得卮酒在坐席良以爲恨願寓名其間幸無我遏其爲諸公之愛如
此光未七十用狄監廬尹故事亦預于會潞公命光序其事光不敢辭
時元豐五年正月端明殿學士兼翰林侍讀學士大中大夫提舉崇福宮
司馬光序

說郭

陳文惠善爲四句詩在江湖有詩云平波渺渺烟蒼蒼菰蒲纔熟楊柳黃
扁舟繫岸不忍去秋風斜日鱸魚鄉文惠年六十餘總爲知制誥後遂
至真宰使相致仕貢父詩話

虞肇字公初邵武人慶曆二年登第充御史臺推直官用法明審出知安
南縣未七十謝事歸萬姓統譜

李亨伯字安正龍溪人登治平第累官至永州團練使知全州諸蠻皆服
其威名終忠州防禦使年踰六十卽掛冠歸萬姓統譜

張魏公之祖絃年踰六十卽浩然思歸致其事自號希白先生築希白堂
一時賢公卿皆爲賦詩朱子全集

張景修字敏叔少刻苦作詩至老不衰豐雅平易時多佳句元豐末爲浮
梁令也子朱天錫以神童應詔景修作詩送之天錫到闕忘本州公據
繳景修詩爲證神宗一見大稱賞之翌日以語宰相王禹玉卽令召對
禹玉言不欲以一詩召人恐長奔競不若俟其秩滿赴部命之遂止令
中書記姓名比官罷神宗已升遐大觀中始以與余同爲祠曹卽中年

已幾七十有詩數千篇

葉夢得石林詩話

蘇子瞻詩結髮事文史俯仰六十餘

又答毛澤民書云某又買得數畝

地在白鶴峯下上古白鶴觀基也已令斫木陶瓦作屋二十許間今冬成去七十無幾矧未能至耶更欲何之以此神氣粗定他更無足爲故人念者

長公外紀

東坡和劉長安題薛周逸老亭周善飲酒未七十致仕詩云近聞薛公子

早退驚常流買園招野鶴鑿井動潛虬自言酒中趣一斗勝涼州

隸坡

李堯言江陵人熙寧中除侍御史未七十卽上印綬其兄立言亦自澶州

納政時又有李竦亦引疾同時里居郡人爲之語曰元豐濟濟稱多士

南郡堂堂有三李萬鍾于我何加焉一瓢樂在其中矣

萬姓統譜

徐思閔年六十餘以左中散大夫普寧郡侯致仕居蘇爲蔣堂蔡襄所知

在官白輔臣以下薦之者幾百人及退歸與元絳程師孟諸人以詩酒

相過號十老鄉人榮之

吳郡志

徐仲車先生年幾七十矣作我敬詩贈呂榮公曰我敬呂公以其德齒敬

之愛之何時已已善哉呂公文在其中見于外者古人之同淵伊洛淵

伊川先生云吾四十以前誦讀五十以前研究其義六十以前反覆紬繹

六十以後著書著書不得已遺書

楊時提點成都府國寧觀後差監常州市易務公年幾七十矣是時天下

多故有言宜力引耆德老成置諸左右開導上意則以秘書郎召到闕

遷著作郎公數滿又郭慎求在朝以書問所欲公年幾七十矣答以

老不能辦事惟求一筦庫爲貧耳慎求得書詢吏部闕監以常州市易

務求得之馳以告公淵源錄

司馬周卿通判鄧均二州先是竹山有金谿出金甚多山谷窮僻人跡罕

至豪族專其利監司欲命官置場市之所皆憚其險辭不行周卿年已

踰六十奮曰利其祿而避其勞可乎遂往躋攀崖巘爲之經畫條目使

公私俱利司馬光集

尹焞壁帖余尚未能絕交息游是爲深病年將七十學不日進道不加修

碌碌隨衆實爲人世間一蠢物耳書此以自訟尹和靖集

黃兌字悅道紹興進士常獻美芹四策進取四論歷官至南雄陞辭三劄
論政事得失言甚切直年未七十致仕

西江志

邊惇德字公辨才思敏給以能詩名爲范成大所知嘗與唱和五中鄉舉
就奏名年逾六十卽致仕郡縣列上行義特改通直郎撰脂羣子五十

卷 蘇州府志

陸放翁追憶總角初學古頗自喜祝身願耆老常恐抱志死豈知才術疎
空自調髮齒功名永無期祿不飽妻子大兒逾六十逐食走千里路途
况轄梗累月書一紙豈不念歸省屢請輒見祝幸吾未極衰汝乃姑少
止 又與兒輩泛舟楊花正與人爭路鳩語還催雨點衣傷心六十餘
年事雙塔依然在翠微 又我年近七十與世長相忘筋力幸可勉扶
衰業耕桑身雜老農間何能避風霜夜半起飯牛北斗垂大荒 又雨
夜吾年過六十鬢髮日夜疎出當飲美酒歸當讀奇書 又浮生過六
十百念已頽然尚有耽書癖猶同總角年橫陳糲飯側朗誦短檠前不
有遭癡絕兒曹尚可傳

劍南詩集

傳自得改除兩浙西路提點刑獄公事時公年六十有餘矣性本剛介嫉惡不能容人之過以故歷官任事多與物忤至是自戕不能俯仰俗間上章丐閒不允

朱子全集

楊誠齋自秘書監將漕江東年未七十退休南溪之上老屋一區僅蔽風雨長鬚赤腳經三四人徐靈暉贈詩云清得門如水貧惟帶有金蓋紀實也聰明強健享清閒之福十有六年寧皇初元與朱文公同召文公出公獨不起文公貽公書勸之出然公高蹈之志已不可違也嘗自贊曰江風索我吟山月喚我飲醉倒落花前天地爲衾枕又云青白不形眼底雖黃不出口中只有一罪不赦唐突明月清風

鶴林玉露

史彌忠字良叔淳熙進士辟咸寧官滿歸里橐裝視赴任時增多里人羨金之父慙怒彌忠召里人畢集悉發以示皆書帙也守安南守吉州俱有善政平定寇亂真文忠公遺書美之勸從弟彌遠歸讓相位年未七十首乞致仕以子嵩之貴封光祿大夫

鄞縣志

張特立元世祖在潛邸首傳旨諭曰張特立養素邱園易代如一今年幾

七十研究聖經宜錫嘉名以光潛德可賜號曰中庸先生

淵鑑類函

金始祖函普初從高麗來年已六十餘居完顏部僕幹水之涯完顏部人殺他族人交惡聞不能解語始祖曰若能解此怨部有賢女年六十未嫁願以相配始祖往諭曰殺一人而闕不解損傷益多曷若誅首亂一人部內以物納償非惟止闕且獲利焉怨家從之于是部衆信服蚩郭全幼喪母哀毀如成人父卒居廬三載啜粥面墨事繼母尤孝甘旨無乏母卒全年六十餘哀痛毀瘠廬其墓終喪

元史

戴表元字帥初一字曾伯元成宗大德八年表元年六十餘矣執政者薦之除信州教授著有剡源集

元詩選

黃英訪少司馬雲窩陳先生不遇詩不屑崖廊一品官只煉山中九轉丹宦態崇朝陶洗盡年逾六十猶童顏童顏赭豁如凝酒機忘鴝鵒長爲偶方瞳炯炯逼秋波織就新詩膾人口

武夷山志

拜降父忽都武勇過人從世祖南征年幾七十每先率士卒冒矢石身被數十創戰功倍多

元史

方回字萬里別號虛谷自序桐江續集云予自桐江林官閑居萬事廢忘獨于讀書作詩未之或輟是時年已六十餘矣仇仁近贈詩云老尚留樊素貧休比范丹嘗選唐宋以來詩曰瀛奎律髓桐江集序

永樂初先君子任滎陽教諭余方十五河南叅政陳宗問行屬至縣索余詩藁遂贈一律有知汝晚來成大器願修德業贊雍熙之句時陳公年逾六十鬢髮皤然而乃漿余後進之雅昧如此薛敬軒集

王東白先生自幼至老不翅六十餘年未嘗一日廢詩雖甚冗猶濡毫挈臚行吟不少休則先生之于詩可謂專矣宋學士集

陳君季明年六十餘而進學不懈間謂余曰吾之生也先子以晦庵朱子之名命之及長而知其不可也因名為然既而自念名固不敢問于朱子奚敢舍朱子之學而不學也因號習庵以見志子以為可乎方孝孺集

黎鯨藤縣人少補學官弟子隱于醫狀若不勝衣蹈履循循如婦人女子至切脈五臟癥結無不洞見年踰六十始得子八十後步履猶不減少

時蓋深得養生之術者

廣西通志

周忱雙崖草屋序且今年踰六十蒲柳之質日加衰病筋骸雖強榮祿已過矣又安得而不思歸乎

西江志

薛瑄陞南京大理卿金英歸京言于衆曰南京好官惟薛公耳御史劉攽以先生爲君子儒未幾復召爲大理卿時年幾七十矣乞致仕不允軾李夢陽東園翁詩東園翁今六十餘面常泥垢髮不梳身藏寶劍人不識

長閉衡門讀古書

崆峒集

劉先生者河朔人年六十餘居衡岳紫蓋峯下携竹籃大筆棕帚麻拂遍遊諸寺拭拂神像人皆熟識之一日富人贈一袖袍劉欣謝而去越數日則故褐如初問之曰吾幾爲子所累吾嘗日出夜寢門不掩得施之後不衣而出則心繫念因市一鎖出則鎖之夜歸則窖闔以避盜數日營營不能自在今日偶衣至市忽悟一袍故使方寸如此適遇一人過前卽脫與之吾心始坦然吾幾爲子所累矣

聯車志

王恭字安中葛衣草屨歸隱于七崖之山自稱皆山樵者永樂初薦起待

詔翰林年六十餘矣 列朝小傳

程文字以文婺源人平生介然自持不苟造請窮居守約鑽研六藝細繹

百家為文與陳旅相伯仲年踰六十始擢國史編修 萬姓統譜

亦以黃岩人永樂進士累官至吏部考功司員外郎在任廉慎安詳僚

友咸推重之工詩志尚淡薄不慕榮進方六十餘即乞致仕優游十載

而卒 萬姓統譜

上入江以文丞相所書集杜感興絕句一首復摹公像于左方裝潢成

軸讀有以識之年勢所激發如龍跳虎躍不可玩狎北山廬陵人年

幾七十矣其放行尚 宋學士集

景泰初始開經筵每講畢命布金錢于地令講官拾之以為恩典時

六年六十餘館郎不復所得一講官常拾以遺之 蔣一葵長安客

梁寅字孟敬新喻人 五經百氏累舉不第隱居教授明太祖徵天下

名儒修述禮樂寅已六十餘矣就徵寅在禮局討論精審諸儒推服書

成賜金幣授官以老辭四方從學者稱石門先生又稱梁五經 明史稿

莆田楊汝惠先生初在庠時其友林君生孫汝雨因抱出見楊笑曰他日仕途有相遇楊曰若待相遇吾老歸休矣至嘉靖辛卯楊以貢官廣西末福教諭時年六十餘汝雨以主事主廣西考試楊以例入試獲中試仕途相遇之戲其偶徵乎闡莊駒陰允記

董其昌釋迦成道記跋京師明因寺僧永舜昔欲刻此記時適觀禪師在都下謂舜上人曰此必得董太史書上人遂襲石相待時逾二紀比予再入春明上人年六十餘矣觀師語有如受記上人堅固之念何可負也書以付之岩臺集

顏從仕字修之弟從心字開之早歲同爲諸生世尚理學澹如寒素仕事親至孝年六十餘母疾猶躬自浣垢諸弟奉若嚴師安慶府志

陳承翁字乾甫萬曆己卯舉人衡山知縣陞濂州知州計典歸四壁蕭然年六十餘著憑枕編臨海縣志

吳元恭字仲內喪父墓廬三載事兄尤謹少負俊聲年踰四十始舉嘉靖乙卯賢書至萬曆丙子則年六十餘矣猶手不忍釋曰吾非博一第以

自快度生平所蘊蓄者異以上則宣勞定國次以任民社為主上守封疆庶不負初志耳知府吳善言曰當吾世而得吳先生不負出守

蘇州府志

王拱辰字孔明福清人弘治間任南安教授時年幾七十矣舉業尤精援

筆而就

南安府志

許鳳年近七十時往購木于蕪湖爲周身之具擇得一木殊美命工中解之則中一大鳳字宛然鑄成而下則爛然鳳文也適與其名合人以爲

吳揚州府志

畫之道所謂宇宙在乎手者眼前無非生機其故人多壽至如刻畫細巧爲造物忌者乃能損壽無生機故黃子久沈石田皆壽仇英早卒趙吳興止六十餘

論畫瑣言

蕭望之字長倩上發金吾車馳圍其第望之嘆曰吾脩位將相年踰六十矣老入牢獄苟求生活不亦鄙乎謁朱雲曰趣和藥來勿久留我遂飲鴆自殺天子驚拊手曰曩固疑其不就牢獄果殺我賢傅

漢書

昭烈帝遺後帝勅曰人五十不稱天年已六十有餘何復所憾不復自傷

丞相嘆卿智量甚大增修過于所望審能如此吾復何憂勉之勿以惡小而爲之勿以善小而不爲惟賢惟德能服于人汝父德薄勿效之

漢文歸

山濤字巨源除太常以疾不就會遭母喪歸鄉里濤年踰耳順居喪過禮負土成墳手植松柏

晉書

李白依李陽永代宗立以左拾遺召而白已卒年六十餘

唐書

陽城卒年六十餘

顧宗實錄

魏野少以歌行自負石介贈三豪詩謂之歌豪以配石曼卿歐陽永叔熙

寧末以特奏名得同出身一命得臨江軍新塗縣尉年近七十卒

臨漢詩話

黃澤字楚望悉取六經百代傳註疑義以致其思不復言仕年六十餘嘗

至絕食澤瞑目端居終不降志人謂澤爲道學正脉云

類書纂要

陳栢字新甫字雲嶠泗州人性豪宕結客嘗被命入杭無錫倪元鎮慕其名來見之張宴湖山間羅設甚盛酒終爲別以一帊餽米一百石栢命從者移至近所舉觥引妓趣從者而前悉分散之顧倪曰吾在京師卽

慕爾名云江南士之清者其所以章章者蓋以米沾之也請從今日絕
交時張伯雨在坐不勝踟躕其豪意類如此好古有餘治才不足又不
樂小官年逾六十不得志而卒

西湖志

章華國少孤嗜學母劉氏病篤刺臂血飲之秘不言後母病瘳禱于神
夢神以紅紙薰之試果立驗偶得食物卽持歸奉母年六十餘母歿爲
孺子泣三年不茹葷酒

廬州府志

